

# *Go KGODIŠEGA*

## *MORAGO WA AMEGA*

 Ke go leboga kudu, ngwanešu.

Le ka dula. Ka nnete ke tsea wo go ba monyetla wo mobotse, go ba mo bosegong bjo le Ngwanešu Groomer, le go kereke ya gagwe, le go dumediša mohlape wo o lego leetong mo ka Tempe, Arizona. Ke dumela se . . .

<sup>2</sup> A ye ke toropokgolo ye batho ba Mamormon ba e agilego fa, a ke yona? [Baena ba re, “Aowa. Mesa.”—Mor.] Mesa. Ke a tseba ke ye nngwe ya ditoropokgolo tše nnyane tše. Mengwaga ye mentši ya go feta, ge ke be ke sa no ba mošemane, ka go gafelweng ga Tempele ya Mormon. Ga se ke elelwe ge eba e be e le Tempe goba . . . Mesa ke moo baena ba boletšego.

<sup>3</sup> Gomme ka mehla ke thari, ga ke tsoge ka ba ka nako. Le a tseba, ba mpotša ke be ke no ba gannyane nthathana godimo ga nako ya go itekanelo, go tleng lefaseng le. Ke bile le mosadimogatša wa ka a letile nako ye telele, bakeng sa ge re nyalana. Ge nka no ba thari bakeng sa poloko ya ka bjale; seo, seo ke selo sa go latela. Yeo ke nako ye ke nyakago go ba thari, thari ka kgonthe. Eupša batho ba bile go loka go ntetela.

<sup>4</sup> Ke tsene ka go ledimo la lehlwa gomme ke be ke swareletšwe matšatši a se makae, pele ke fihla fa, gomme ke thari matšatši a mabedi go kopana fa le Ngwanešu Groomer. Nkabe ke bile fa Labobedi la go feta bošego. Eupša re dirile ditokišetšo gore re ka kgona go swarwa, gomme, goba go le bjalo ba e lokišitše. Nka no ba phošo go se. Eupša ba e lokišitše, kafao ke tla swara, go le bjalo.

<sup>5</sup> Bošegong bja go feta re bile le kopano ya go makatša, godimo ka go ke—ke kereke ye nngwe, ntle ka go . . . Ngwanešu Hatton, ke a dumela, ya, Ngwanešu Hatton, mokgomana yo mokaone kudu wa Mokriste. Ke kopane le yena maabane, gomme ke dutše ka boithutelong lebakana le lennyane le yena, gomme re bile le nako ya kopanelo, re swanetše go rapela seng sa rena. Ke bile le tirelo ya go makatša ntle, bošegong bja go feta, eupša ke dutše botelele gannyane, ke swareletše batho. Woo ke mohuta wa mokgwa wa ka. Eupša bošegong bjo ga ke ye go dira seo. Aowa. Ga—ga ka ikemišetša go rera botelele bjo bo itšego go feta diiri tše nne. Ke—ke no se tsoge ka letela. Kafao, le a bona, seo ka mehla se mabapi le nnete, ka tabarenekeleng goba felotsoko.

<sup>6</sup> Ke bona ba bangwe ba bagwera ba ka go tšwa godimo tikologong ya Jeffersonville, goba ba re etela. Re na le batho ba dutše ntle mo pele ga rena, bošegong bjo, ke a hlokomela,

ba ba otlelago tsela yohle go tšwa Macon, Georgia, Lamorena le lengwe le le lengwe. Go ba . . . Yeo e ka ba makgolo a šupago, lesomenne . . . Yeo e ka ba dimaele tše makgolo a lesometlhano, leeto la tikologo, go tla kerekeng ka Lamorena. Gomme ga ba dire seo feela nako e tee. Letšatši le lengwe le le lengwe mo ngwageng woo re nago le tirelo godimo ka tabarenekeleng, ba otlela go tloga tlasetlase ka Macon, Georgia.

<sup>7</sup> Ke bona Ngwanešu le Kgaetšedi Dauch fa go tšwa Ohio. Ngwanešu Dauch o tšofetše kudu, eupša feela yena le mosadi wa gagwe mmogo, gomme Morena o bile go loka go bona. Gomme ba—ba otlela Lamorena le lengwe le le lengwe, baratani ba ba go tšofala, go tšwa godimodimo ka Ohio, tlase go tšwa, godimo ga ditsela tša aese. Gomme yena, mosadi, o otletše tsela yohle go tšwa Ohio, fa, go tla go ba ka kopanong.

<sup>8</sup> Gomme batho šeba, go tšwa Macon le mafelo a go fapania, ba ba kgobokanego ka mo bakeng sa tirelo. Re thakgetše go ba le bagwera boka bao. Re thabile kudu go abelana menyetla ya rena mmogo, dikopanelo tša rena mmogo, ka gore ka therešo re bolela gore re baeti le basetsebje. Le ga se legae la rena.

<sup>9</sup> Ke a dumela, ke no lebelela godimo le go bona ngwanešu tsela yohle go tloga Iowa, go theogela fa, ge eba yeo ke nnete. A ga se yona, ngwanešu? Godimo fa, molamo wa Ngwanešu Norman go tšwa Iowa?

<sup>10</sup> Re bjalo ka Abraham. Re . . . tlogetše lefase. Gomme re lebeletše Toropokgolo ye Moagi le Modiri wa yona e lego Modimo. Re dumela seo, letšatši le lengwe, letšatši le lengwe la letago, re tla bona Toropokgolo yeo. Thilogelo yohle ya pelo ya ka ke go bona Toropokgolo yela ya letago.

<sup>11</sup> Bjale, re tshepetše go Modimo, go re šegofatša bošegong bjo, le go re fa Bogona bja Gagwe.

<sup>12</sup> Gomme ke be ke no bolela seo feela bakeng sa phetogo ye nnyane, boemo, bakeng sa myemyelo ye nnyane, ge ke rile, "Go rera diiri tše nne." Bjale, ke na le molato wa go dira seo, le a bona, gomme batho ba na le molato wa go dula le go theetsa botelele bjoo. Eupša woo—woo ke mohuta wo mothata, go ba otla ka mokgwa woo.

<sup>13</sup> Ye ke kereke ye nnyane ya go agwa gabotse. Ke kgona feela ka go bona yo mongwe le yo mongwe. E tla ba nako ye kaone, lefelo fa, bakeng sa tirelo ya kgonthe ya phodišo, ge re ka ba le nako ye nngwe, go ba le yona.

<sup>14</sup> Ke a hlokomela, moragorago ka morago, ke bona Kgaetšedi Evans morago pale. Ga ke bone Ngwanešu Evans. Le bona ba tšwa tlase ka Macon, Georgia, tlasetlase ka nageng ye borutho. Ba boletše le rena letšatši le lengwe, gomme ba rile ba be ba fetša ka Mayankee godimo pale. Ba bile le diintšhi tše senyane tša lehlwa. Kafao, bona, se sengwe go ikgantšha ka sona, ba na

le lehlwa lela lohle. A le bile le leeto le lebotse godimo? Seo, gabotse, seo se kaone kudu, Ngwanešu Evans.

<sup>15</sup> Feela bopaki bjo bonnyane bakeng sa Ngwanešu Evans morago fale, bjoo ke tla ratago go bo dira, ge go lokile le wena, Ngwanešu Evans. Ge go le . . .

<sup>16</sup> Ka fao ke tsebanego le Ngwanešu Evans, o be a le ka m—m Met, godimo ka Philadelphia. Ngwanešu Theo Jones, bontši bja lena le kwele ka yena, ke ngwanešu wa Full Gospel, moreri yo mokaone kudu. Gomme re kopane, gomme o mpotšišitše ge eba ke tla tla godimo ka Met le yena lebaka la mašego a mmalwa a tirelo, le gore ke dumelanelane go dira ge re be etla go tšwa felotsoko. Gomme Ngwanešu Leo Mercier le Ngwanešu Gene Goad ba be ba tsebana le Ngwanešu Evans ka tsela ye nngwe, gomme ba rile, “Go ne monna o nyaka go kopana le wena go ye nngwe ya dipoledišanonyakišo tša sephiri,” ba rile, “go tšwa tlase ka Georgia.”

Gomme ke rile, “Go lokile.” Gomme mosadimogatša wa ka le mošemane yo monnyane . . .

<sup>17</sup> Joseph yo monnyane, bjalo ka ge bontši bja lena le elelwa, Morena a mpontšha, mengwaga ye tshela pele a belegwa. Ngaka o rile, “Go be go sa kgonege. A ka se kgone go ba.” Eupsa Morena o rile go be go eya go ba, kafao Joseph o tlide thwi pele, feela mo nakong. Gomme kafao re . . . O be a ka ba bogolo bja mengwaga ye mebedi nako yeo, goba ye meraro.

<sup>18</sup> Ke elelwa mosong ge re fihla godimo ka hoteleng. Joseph o lebeletše godimo go nna ge ke be ke apere go ya difihlolong le Ngwanešu Evans. Ke be ke se ka ke ka kopana le yena nako yeo. Gomme ke rile go mosadimogatša wa ka, “Meda, o a tseba, hani, gore, monna yo re yago go kopana le yena . . .” Ke mo hlalošitše. Ke rile . . . Yena le mosadimogatša wa gagwe. “Gomme ke bone pono ya gagwe mosong wo. O rata go thea dihlapi, eupša ke morobi.” Gomme ke rile, “Ke—ke—ke mmona a dira se sengwe a bego a se a swanela go se dira.” Ke rile, “Ga ke tsebe ge eba ke swanetše go mmotša goba aowa.”

“Gabotse,” o rile, “bokaone o be bonolo.”

Gomme ke rile, “Ke tla dira.”

<sup>19</sup> Gomme kafao Joseph yo monnyane o tsogile malaong. O rile, “Papa, a o a tseba gore David o ya go ba le go tlhekgemana ga sethuthuthu sa gagwe?”

Gomme ke rile, “Ke eng seo, morwa?” Mmagwe o e swere.

O rile, “David.”

<sup>20</sup> David Wood o dula kgauswi le nna. O be a le Hlatse ya Jehofa, gomme leoto la gagwe le bile—le bile le bogole bja bossea, gomme bo gogetše leoto la gagwe godimo ka tlase ga gagwe. Gomme go ye nngwe ya dikopano, tatagwe le mmagwe ba bile le yena fale. Gomme Morena Jesu o utollotše tšohle ka yena, se a bego a le

sona, le go mmotša go ema ka maoto a gagwe. Le dirilwe go fola, gomme fao leoto la gagwe la tla gabotse, le phelegile. Gomme tatagwe ke rakonteraka. O file pelo ya gagwe go Morena Jesu nako yeo, gomme a sepelela godimo mojako wo o latelago go nna, gomme ke be ke phela fao lebaka la mengwaga ye mmalwa ya go feta. Gomme mošemane, ntle le ge a ka nagana, ebile ga a tsebe e be e le leoto lefe leo—leo le bego le gobaditšwe.

<sup>21</sup> Go na le batho ba dutše mo, bošegong bjo, ba ba tsebago mošemane. Ke ba bakae ba lena mo ba tsebago David Wood? Go na le ba bantši ba lena, nnete, bao—bao—bao ba bonego mošemane.

<sup>22</sup> Gomme Joseph o rile, “Ke be ke sa tšo bona David a gobetše ka sethuthuthu, tlase tsejaneng kgauswi le ntlosekolo.”

<sup>23</sup> Gabotse, ke naganne. Matšatši a se makae pele ga fao, o be a mpoditše gore o be a letile kgaetšedi wa gagwe yo monnyane go tla gae. O be a le godimo ga peretshitswana ya gagwe. O rile, “Papa, ke bone . . .” O rile, “A go na le Monna godimo *kua*, yo a nago le se—se seatla e ka ba bogolo *bjoo*? ”

Gomme ke rile, “Ga ke tsebe. Gobaneng?”

<sup>24</sup> O rile, “Ke lebeletše godimo.” Gomme o rile, “Ke be ke eya ntle go leba tseleng, ka peretshitswana ya ka.” Gomme o rile, “Ke bone seatla se segolo bogolo, se bonagetše boka seatla sa Jesu, se be se ntshwere go tšwelang ntle tseleng.”

<sup>25</sup> Gabotse, ga se ra tsoge ra naganan kudu ka yona. Eupša ge a re boditše seprofeto se, gore David o be a eya go gobala ka sethuthuthu, seo se bile mohuta wa go se tlwaelege go nna. Gomme le a tseba, re be re le gae matšatši a mararo . . . Gomme o mpoditše ke leoto lefe le bego le eya go ba, “Lehlakore la letsogo le letona. E be e eya go kgeila diaparo tša gagwe, go gobatša lehlakore la letsogo la gagwe le letona.”

Re rile, “O lorile seo bošegong bja go feta, Joseph.”

<sup>26</sup> “Aowa, aowa.” Ga se a tsoge a lora. O rile. “Ke—ke bone Dada thwi bjale o nayo.” Le a bona? Gabotse, ke naganne o be a no ya pele.

<sup>27</sup> Matšatši a mararo morago ga ge re fihlile gae, Dafida o tabogetše go sethuthuthu. Mošemane o tlide go tšwa Louisville ka sethuthuthu. O ile go theoga tselia, gomme thwi lefelong la go swana a wela godimo ga sethuthuthu, gomme a kgobola leoto la gagwe gohle godimo, ka lehlakoreng la letsogo le letona.

<sup>28</sup> Gomme leo e no ba le—le letšatši le ke kopanego le Ngwanešu Evans. Kafao ka morago ga go bolela le yena, gomme ke bone o be a no ba ngwanešu wa Borwa yo mobotse, ke rile, “Ke nyaka go go botšiša se sengwe.” Ke rile, “O ya go thea dihlapi tlase ka mantšohlong tlase felotsoko. Go bonagetše boka Florida, go nna.”

O rile, “Ke a dira.”

<sup>29</sup> Ke rile, “Feeala e se kgale o bile le mokotla o tletše hlapi. O be o se wa swanelo go ba le bontši bjoo.” Ke rile . . . Gomme o rile . . . Mohuta wa, sefahlego sa gagwe se bile se sehubedu; o lahletše hlogo ya gagwe fase. Gomme ke rile, “O be o tšwela ntle, wena le mošemane wa gago, gomme o fihlile hlapi yeo makga a mararo, gobane o bone mohlapetši wa diphoofolo ntle bofelong. O naganne e be e le.”

<sup>30</sup> O rile, “Ee, mohlomphegi. Yeo ke nnete.” Sefahlego sa gagwe, se hubetše ka kgonthe, yena le mosadimogatša wa gagwe.

Ke rile, “Go no ba . . .”

O rile, “Ke—ke—ke maswabi. Ke—ke be ke se ka swanelo go dira seo.”

Ke rile, “Eupša ka kgonthe ke tla rata go ya go thea dihlapi tlase fale.”

Gabotse, o ntšeetše. Ke ile tlase.

<sup>31</sup> Gomme pele, moragorago, go no ba dinoga tše mpe kudu morago ka go tseo, dikgaga, le dikwena, dinoga, le se sengwe le se sengwe, morago kua. Go befile go feta dintatauwane tša Arizona Gila. Ba na le se ba se bitšago noga ya seroromedi, moisa yo monnyane wa nthathana, gomme ke—ke moisa wa swele. Gomme ngwanabo o lonngwe ke ye tee, e ka ba dikgwedi tše tharo goba tše nne pele ga fao, gomme o be a sa na le samente godimo ga leoto la gagwe, le sethekgeletši godimo ga lona, lebaka la dikgwedi. Gomme o robetše ka sepetlele, o be a sa tsebe ge eba o be a eya go phela goba go hwa; moratho wa gagwe.

<sup>32</sup> Kafao Ngwanešu Evans le nna re ile morago fale, gomme ke be ke thea dihlapi. Oo, nkabe ke bile le letšatši le legolo.

<sup>33</sup> Ke no rata go thea dihlapi. Nna, ke nna mothei wa dihlapi wa go šokišašokiši lefaseng, eupša ke na le mohlahli yo mobotse: Yena. Gomme O mpotša mo di lego, gomme ka mehla ke a di hwetša.

<sup>34</sup> Gomme ke swere tše kaone letšatši leo. Gomme ke be ke tla lekeletša e tee ye kgolo kudu, bass ye kgolo ye tona, e ka ba diponto tše lesome goba lesometee, ke a thank. Ke be ke sa kgone go e swara. Le nosi ye nnyaneya mmala o serolwana a bilego le yona ka ntle ga molomo wa gagwe. Gomme molomo wa gagwe o be o ka ba ka mokgwa *woo*, gomme nosi ye nnyane ya mmala o serolwana e ka ba ka mokgwa *woo*. O be a ka kgona go emelela, a no e hlochlora go tšwa molomong wa gagwe. Eupša o be a bebefetšwe kudu. Ke e lahletše morago, gomme o tsene ka lekga la boraro.

Gomme Ngwanešu Evans o rile, “Oo, mo sware, Ngwanešu Branham.”

<sup>35</sup> Kafao ke be ke phiphila go bapa fale ka kota ye, ke leka go swara bass ye go e ratha gape, gomme yo mongwe, gomme oo, se sengwe, moisa yo mogolo bogolo o e bethile, gomme ke mo

dirile mohuta wa go lapa. Ke mo ntšitše go tšwa ga dilililing tša mogobe go fihla a etla godimo kgauswi le leši.

<sup>36</sup> Ngwanešu Evans a dutše fale, o be a kolobile maoto a gagwe. O nno phutha maoto a borokgo bja gagwe, gomme o be a se a rwala dieta. O rile, “Motsotsotso feela.” Lesehu le dilo di be di le godimo, ntle ka mokgwa woo. O rile, “Ke tla mo swara.”

<sup>37</sup> Ke rile, “Se tshwenyege. Ke tla mo gogela ka gare, go le bjalo. O a fapoga, re na le bontši.”

<sup>38</sup> Kafao a thoma go gogela ka gare, ka mokgwa woo. O rile, “Ke tla mo swara.” Ge a gatetše ntle, noga ye nnyane ya seroromedi e mo hweditše, feela ge a gatetše ntle, thwi go kgabola bogodimo bja leoto, thwi bokagodimo ga lerapo la kokoilane.

<sup>39</sup> Ga se ka ke ka tsoge ka kwa te—te tebelelo ye bjalo sefahlegong, goba go kwa kgoeletšo ye bjalo. A tšwela ka ntle ga fao, gomme a swere diatla tša gagwe ka mokgwa *woo*, gomme a lomanya meno a gagwe. Ke lebeletše, gomme go be go no ba gannyane, e ka ba bokgole bjoo go arogana moo meno a noga a bego a bethile thwi ka leotong la gagwe.

<sup>40</sup> Bjale, o motho wa go babja kudukudu ka lefaseng, ka metsotsotso e se mekae feela. Gomme bokaone o ye go thušo goba felotsoko, gobane o tla hwa. Gomme mpholo wola—wola—wola ke mpholo ka kgonthe go noga ya seroromedi.

<sup>41</sup> Gabotse, ke monna yo mogolo bogolo. Gomme ke be ke le yo monnyane kudu go mo rwalela e ka ba dimaele tše pedi go ya koloing, go kgabola dirorobja tšela. Gomme re be re šeditše dikgaga mogohle, gomme ga ke sebete kudu tikologong ya tšona, go le bjalo. Kafao ke naganne, “Nka dira eng?”

<sup>42</sup> Gomme feela nako yeo se sengwe se bonagetše go bolela le nna, gomme ke bone Lengwalo la Morena, le rile, “Gomme ba tla gata godimo ga dihlogo tša mašikišiki, le godimo ga dihlogo tša disephente, gomme ga go selo se ka ba kwešago bohloko.” Ka gona ke naganne ka ngwanabo, eupša ngwanabo ga se modumedi. Ga se Mokriste. Eupša monna yo ke Mokriste. Kafao o be a notasela le go swara leoto la gagwe.

<sup>43</sup> Ke beile diatla godimo ga gagwe. Ke rile, “Tate wa Legodimong, re ka seemong sa tšhoganetšo, gomme ga ke—ga ke kgone go rwala ngwanešu wa ka. Gomme ntle le fao, o tla babja kudu, nako ye ke mo ntšha ka mo, ga ke tsebe ge eba re tla mo tliša thušong goba aowa. Eupša go ngwadilwe ka Lentšung la Gago, gore, ‘Ga go selo se ka ba kwešago bohloko.’ Gomme yo ke modumedi.”

<sup>44</sup> Gomme ke lemogile o tlogetše go tlaišega goba go dira lešata. Gomme ge ke tlogela go rapela o be a dutše, a ntebeletše, a sega. O rile, “Bohloko bjhole bo ile.”

<sup>45</sup> “Gabotse,” ke rile, “a re tla ya pele?” Re ile pele go thea dihlapi, re theile dihlapi letšatši leo lohle. Bošegong bjoo, e ka ba ka iri ya lesometee . . .

<sup>46</sup> Re swere bass ye ntši ye kgolo kudu go fihla, ge re tšwela ntle go tlhabologo gape, gobaneng, ba be ba le ntle fale ba tšea diswantšho, ba di lebeletše, godimodimo mo bošegong, e ka ba ka iri ya lesometee.

<sup>47</sup> Gomme ngwanabobo, yena yoo a bego a lomilwe ke nogab, o be a sepediša le—le lebenkele la tšeletši. Gomme o tlie godimo, gomme re boletše kanegelo, re laeditše lefelo. Gomme ngwanabobo o rile, “Go lokile go ba wa bodumedi, eupša e sego bošilo.” O rile, “O ya sepetlele ka pela ka mo o kgonago, gomme wa hwetša thušo ya pele.”

<sup>48</sup> Ngwanešu Evans o rile, “Ge Modimo Ramaatlakamoka a ntšhireleditše ge e sa le go tloga ka iri ya lesometee mosong wo go fihla ka iri ya lesometee bošegong bjo, seo se a e rumab.” Ebile ga se nke a ba le bohloko bjo bongwe.

<sup>49</sup> A o ka no emeleta, Ngwanešu Evans, gore batho ba kgone go bona ke be ke bolela ka mang? Yo ke ngwanešu thwi fale. Ngwanešu Dauch . . .

<sup>50</sup> Gomme, oo, Yena ke Modimo kae kapa kae o lego. Yena ke Bogona bjo bo sa tsogego bja palelwa bja Jesu Kriste. “Bonang, Ke na le lena ka mehla, ebile go fihla bofelong bja lefase.” Gomme Yena ke tlhohlo, go bea tumelo ya gago, nako efe kapa efe o nyakago, ka Lentšung la Gagwe, gomme O tla e tliša go phethega. Bjale ke nna . . .

<sup>51</sup> Ke monyetla go ba mo bošegong bjo le wa rena wa go loka Ngwanešu Groomer. Gomme ke . . . O bile ka morago ga ka lebaka la nako ye telele, a tla godimo fa. Gomme ke no nagana go a makatša go ba mo bošegong bjo, gomme le banešu ba bangwe ba bakaone ba, go hwetša go kopana le Ngwanešu Ballard godimo mo, le ba bantsi ba lena. Gomme ka gona bohole re letetše go ba difihlolong tša Banna ba Kgwebo. Gomme tlase ka go—ka go . . . Leina la seo ke mang? Ramada. A ke boletše seo gabotse? Ramada. A ke Spanish?

<sup>52</sup> Ke elelwa nako ye nngwe ke ithutile lentšu le tee ka Spanish, “Oye.” Ga ke bolele seo gabotse gape. Bokaone ke tlogele seo. Ke ra, “A o a nkwa?” Goba se sengwe boka seo, “Oye.” [Yo mongwe o re, “Oye.”—Mor.] “Oye.” Yeo ke yona. “Oye.” Yeo ke yona.

<sup>53</sup> Gomme ka gona gore, “Gloria a Dios,” letago go Modimo. Yeo ke yona, “Gloria a Dios.” . . . ? . . . “Gloria a Dios.” Ke elelwa seo go tšwa kgale kudu, kafao ke sa goeletša, “Gloria a Dios.”

<sup>54</sup> Kafao bjale, bošegong bjo, gore le se eme botelele kudu, gomme—gomme ke no ba nako ye nnyane ya kopanelo.

<sup>55</sup> Gomme ntshwareleng, ke eme fa mo sefaleng, ke bolela se le go hlalala, gobane ke thabile kudu go ba fa. Ke nagana gore

Modimo o nyaka bana ba Gagwe go thaba. Ke—ke a dumela re ka kgona go e kitimiša go ya kgolekgole, gomme—gomme ra no ba go se hlokofale ka yona. Eupša ke a dumela gore Modimo o nyaka batho ba Gagwe go thaba ka kgonthe, le ba leago, ba botho go tšwa dipelong tša rena. “Ba go ratana seng bjalo ka Modimo, bakeng sa Kriste, goba Kriste a re ratile.” Ke nagana ke ka lebaka leo re swanetše go ba Bakriste ba ba thabilego.

<sup>56</sup> Bjale a re, feelsa pele re bala Lentšu, a re nong go bolela le Mongwadi nakwana feelsa, ge re inamiša hlogo ya rena. Gomme bjale ka dihlogo tša rena di inamištšwe, ge re, beela thoko nako ya rena ye nnyane ya kopanelo mmogo bjale, go tsebana le go mpshafatša kopanelo ya rena. Ke a makala, ka moagong wo monnyane wo wa go bonala bošegong bjo, e ka ba ka ntle goba ka gare, ge go ka ba dikgopelo e ka ba dife go dirwa go di bolela, gomme o tla e dira e tsebje ka go phagamiša seatla sa gago. Feelsa Modimo o tseba pelo ya gago. Modimo a be le kgaogelo. Modimo a be le kgaogelo. Bjale O tseba tlhoko ya gago. Ke ba bakae ba nago le tlhoko ya semoya, bao le tla phagamišetšago diatla tša lena godimo? Modimo a le šegofatše. Gomme bjale bakeng sa phodišo ya mmele wa gago, phagamišetša diatla tša gago godimo, go bona ge eba go ne batho e ka ba bafe ba babjago. Oo, nna! Ke lefase la kgale la go babja, a ga se lona? A re boleleng le Yena Yo a kgonago go lokiša diphošo tšohle.

<sup>57</sup> Ramaatlakamoka Modimo, bjalo ka ge O tšweletše go Abraham ka Leina la Ramaatlakamoka Modimo, Wena o tšwa gosafelego go ya gosafelego, Ramaatlakamoka Modimo. Gomme re thabile kudu bošegong bjo gore re na le monyetla wa go tla go Wena. Re tseba se, gore ge re etla ka gare ka taletšo ya Jesu, gore fao re na le netefatšo ye O e theeditšego. Ka gore O rile, “Kgopelang Tate e ka ba eng Leineng la Ka, Ke tla e dira.” Bjale, re dumela seo, gobane ke Lentšu la Modimo. Gomme re na le dinyakwa tše ntši kudu bošegong bjo, Morena.

<sup>58</sup> Re a Go leboga bakeng sa kereke ye, le bakeng sa setšhaba seo re sa kgonago go ba le mohuta wo wa kopano ka gare, bakeng sa toropokgolo yeo e ka se tswalelego mabati. Re a Go leboga bakeng sa modiša wa yona, ngwanešu wa rena yo bohlokwa, le go poto yohle, matikone, bahlokomelaphahlo, le maloko ohle. Gomme, Modimo, ka godimo ga sohle se, re a Go leboga bakeng sa moeti yo mongwe le yo mongwe mo bošegong bjo, bao ba diiletšego le rena mo lefaseng.

<sup>59</sup> Re tlide mmogo, Tate, ka tlhokofalo ya thapelo, le go dumela gore O tla kopana le rena, gomme wa se šitwe go re šegofatša, le go re fa ye nnyane kudu ya ditlhologelo tša rena. Gomme Wena o bone diatla tša batho ba ka maemo a semoya. O Modimo, šuthišetša morago poifo ye nngwe le ye nngwe le go kamaka, bošegong bjo. A nke Moya wo Mokgethwa o be le bolaodi.

<sup>60</sup> Modimo, re rapelela bao ba lego ka seemong sa nama, ba tsenatsenwego, gore ba se kgone go ipshina ka bophelo, gore diabolo o dirile bobe go bona le go ba dira ba lwale. A nke ba tsebe, bosegong bjo, gore ka megogoma ya Morena Jesu yo mongwe le yo mongwe re fodišitšwe. A nke re be le tlhohleletšo bosegong bjo go namelela ka Bogoneng bja Modimo, ka tumelo. Ka gore ka therešo, Modimo ke Tate wa rena, gomme tumelo ke mme wa rena yo a re tlišago Tswalong, go Modimo. Ka fao a nke rena, ka mme tumelo, re tlišwe ka Bogoneng bja Tate Modimo Yo a filego tshephišo. Gomme re hlakodiše go tšwa bobeng bjohle, bjalo ka ge A re rutile go rapela, “Re hlakodiše go tšwa bobeng.”

<sup>61</sup> Bjale, Morena, šegofatša badiredi ba ba etetšego. Banna ba Kgwebo ba Bakriste ba a kgobokana, re rapelela seo, gore disoulo tše dintši di ke di phološwe. Gomme ge re tloga bosegong bjo, a nke re kgone go bolela boka bale ba tšwago Emause, “A dipelo tša rena ga se tša swa ka gare ga rena ge A be a bolela le rena tseleng?”

<sup>62</sup> Šegofatša Lentšu la Gago ge re Le bala. “Lentšu la Gago ke Lebone,” Seetša seo se fago Seetša go tloga lefaseng go ya Letagong. Gomme a nke re namele godingwana gannyane godimo ga lelere bosegong bjo, Morena, bjalo ka lebaka la kopanelo mmogo ya rena ka Bogoneng bja Kriste Jesu. Bjale, Tate, go tloga iring ye, sepelela ka bogoneng bja rena. Tše Lentšu la Modimo yo a phelago gomme o Le fe go pelo ye nngwe le ye nngwe ye e swerwego ke tlala. Re kgopela ka Leina la Jesu. Amene.

<sup>63</sup> Bjale, lena ba le ratago go tše dihlogo, goba le nyakago go bala ka Mangwalong le rena, ge le ka bula ka Dibeibeleng tše lena go Mokgethwa Johane, tema ya 1, Ke nyaka go bala karolo ya Lentšu, go tšwa go Mokgethwa Johane, tema ya 1. Gomme bjale re ya go thoma ka temana ya 15 ya Mokgethwa Johane tema ya 1.

*Johane o beile bohlatse bja gagwe, gomme o goeleditše,  
a re, Yo e be e le yena ke boletšego ka yena, Yo a tlago ka  
moriga ga ka o a mpheta: ka gore o be a le pele ga ka.*

*Gomme botlalo bja gagwe re amogetše bjohle, le  
mogau bakeng sa mogau.*

*Gomme molao o filwe ke Moshe, eupša mogau le  
therešo di tlide ka Jesu Kriste.*

*Ga go motho a bonego Modimo le neng; eupša Morwa  
motswalwanoši, yo a lego ka sehubeng sa Tate, . . . o mo  
tsebagaditše.*

*Ka gore ye ke rekoto ya Johane, ge Bajuda ba rometše  
baprista le Balefi go tšwa Jerusalema go mmotšiša,  
Wena o nang?*

*Gomme o ipoletše, gomme a se gane; eupša o ipoletše, ga se nna Kriste.*

*Gomme ba mmotšiša, O eng gona? A ke wena Eliase?  
Gomme o rile, ga se nna. A ke wena moprofeta yola?  
Gomme o arbabile, Aowa.*

*Ka gona ba rile go yena, Wena o Mang? gore re ke re  
fe ka—ka karabo go bona ba ba re romilego. O reng ka  
bowenamong?*

*Gomme o rile, ke nna segalontšu sa yo a goelelago ka  
lešokeng, Dirang tsela ya Morena go otlologa, bjalo ka  
ge go boletše moprofeta Jesaya.*

*Gomme bao ba bego ba romilwe ba be ba le ba  
Bafarisei.*

*Gomme ba mmotšiša, gomme ba re go yena, Gobaneng  
o kolobetša gona, ge o se Kriste yola, goba Eliase, goba—  
goba ešita moprofeta yola?*

*Johane o ba arbabile, a re, ke kolobetša ka meetse: eupša  
go eme yo motee magareng ga lena, yo le sa mo tsebego;*

*Ke yena, yo a ntlhatlamago a mphetago, yo manti a  
dieta tša gagwe ke se nago maloka go a bofolla.*

*Dilo tše di dirilwe ka Bethefara mošola wa Jorodane,  
moo Johane a bego a kolobetša.*

*Letšatši la go latela... (Ntshwareleng.)... Johane o  
bona Jesu a etla go yena, gomme o rile, Bonang Kwana  
ya Modimo, ye e tlošago sebe sa lefase.*

*Yo ke yena... yo ke rilego, Ka morago ga ka go tla  
monna yo mphetago: ka gore o be a le pele ga ka.*

*Gomme ga se ke Mo tsebe: eupša gore o swanetše go  
dirwa go bonagala go Israele, kagona ke tla ke kolobetša  
ka meetse.*

*Gomme Johane o beile bohlatse, a re, ke bone Moya o  
theoga go tšwa legodimong bjalo ka leeba, gomme wa  
dula godimo ga gagwe.*

*Gomme ga se ka mo tseba: eupša yo a nthomilego  
go kolobetša ka meetse, wa go swana o rile go nna,  
Godimo—godimo ga yo o tla bonago Moya o theogela,  
gomme wa dula godimo ga gagwe, wa go swana ke yena  
yo a kolobetšago ka Moya wo Mokgethwa.*

*Gomme ke bone, le go bea bohlatse gore yo ke Morwa  
wa Modimo.*

*Gape letšatši la go latela ka morago ga ge Johane a  
eme, le ba babedi ba barutiwa ba gagwe;*

*Gomme a lebeletše godimo ga Jesu ge a be a sepela, . . .  
o rile, Bonang Kwana ya Modimo!*

*Gomme barutiwa ba babedi ba mo kwele a bolela,  
gomme ba latetše Jesu.*

*Gomme ka gona Jesu a retologa, gomme a ba bona ba  
latela, gomme a re go bona, Le nyaka eng? gomme ba rile  
go Yena, Rabi, (ye e lego go re, ge e hlathollwa, Mong,) o  
dula kae?*

*Gomme o rile go bona, Tlang . . . le bone. Gomme ba  
tlide le go bona mo a bego a dula, le go dula le yena  
letšatši leo: gobane e be e ka ba iri ya lesome.*

*Yo mongwe wa ba babedi ba kwelego Johane a bolela,  
gomme ba mo latela, e bile Andrea, ngwanabo Simone  
Petro.*

*Sa pele o hwetša ngwanabo Simone, gomme o rile  
go yena, Re hweditše Mesia, yo a lego, a hlathollwago,  
Kriste.*

<sup>64</sup> A nke Morena a oketše ditšhegofatšo tša Gagwe palong ye ya Lentšu la Gagwe. Gomme bjale, ka kgahlego ya go tebatébi, a nke ke bitše šedi ya lena feela dinakwana di se kae go se—se sehlogo se sennyane, seo ge nka se bitša seo. Ke dutše tesekeng, lebakana la go feta, e ka ba iri ya boraro goba ya bone morago ga sekgalela se, ke bala, se se nteile. Gomme go goga sehlogo go tšwa go se, ke nyaka go tšeа se, mantšu a mabedi a: *Go Kgodišega Morago Wa Amega. Go Kgodišega Morago Wa Amega.*

<sup>65</sup> Bjale, re phela ka go nako ye šoro. Re phela ka go nako ya go wa go gogolo. Re tseba seo. Re a lemoga.

<sup>66</sup> Mantšiboa a go feta ke be ke rera ka thuto ya *Gotšeagore*, tlase ka kerekeng ye nngwe. Batho ba tšeа mohuta tsoko wa se sengwe, gomme ba no tšeа gore ke bona Bakriste. Gomme lentšu *gotšeagore*, bjalo ka ge re hlalošitše bošegong bja go feta, le ra “go leka ntle le maatlataolo.” Gomme batho ba bantsi kudu ba tšeakare lehono. “Gabotse,” ba re, “ke dirile *sa gore le sa gore*. Ke tšoenne kereke. Ke—ke karabeditšwe ka meetseng. Ke tšeagore ke nna Mokriste.” Seo se ka se šome. Seo, o ka se kgone gotšeagore go sona. O swanetše go ba le nnete o gona. Le a bona? Wena, o swanetše ka kgonthe go tseba gore o Mokriste. Kafao, lehono, ke ikwela, mo sefahlegong sa . . .

<sup>67</sup> Setšhaba sa rena se ne boleloko bjo bontši bja Bakriste go feta setšhaba se kilego sa tsebja. Eupša a le be le tseba, ngwaga wa go feta, go ya ka dipalopalo, gore ga go na . . . ga go seminari. E tee e no se leke go bapetšwa le ngwaga pele. Eupša seminari ye nngwe le ye nngwe gape, goba sekolo, goba sekolo sa Beibele, se wetše ka tlase ga palo e nyawkago ya badiredi. Moo batho ba baswa, ka dipitšo ka bophelong bja bona, go ya ntle ka tšhemong le go ya pele, bao ba yela tlhahlo ya bona, le go ya pele, ka fao ba bego ba fela ba ema ka mothalong go ingwadiša ka dikolong, gomme bjale o ka se kgone go ba phegelela ka gare. Go na le se sengwe se se fošagetšego lefelong tsoko. O a bona? Ke a dumela,

ka pelo ya ka yohle, ntle le e ka ba efe, ke holofela go se bolele e ka ba eng ya phošo, eupša ke a dumela ke ka baka la go hloka kgahlego, kamego, ga go kamego ya go lekanelo. Go na le kamego ye ntši kudu ka go dira pomo ya athomo, kamego ye ntši kudu ka ke mang yo a yago go ya ngwedding pele. Gomme—gomme ga ke tshwenyege ka go ya ngwedding. Ke nyaka go tsena Legodimong, ke moo ke nyakago go fihla.

<sup>68</sup> Le a tseba, ka mehla ba goelela ka “Re bile le monna ka sebakabakeng pele.” Russia e tšwelapele e re goelela, “Re beile monna sebakabakeng.”

<sup>69</sup> Gobaneng, re bile le yo Motee ka lefaufaung lebaka la mengwaga ye dikete tše pedi. Kgonthé Rena, bona . . . ? . . . Ba—ba kgole kudu ka morago, ba mengwaga ye dikete tše pedi ka morago ga rena. Re bile le Monna sebakabakeng moragorago mošola, bjale, mengwaga ye dikete tše pedi ya go feta, o tsogile go tšwa lebitleng, gomme o ka sebakabakeng, le gohlegohle, mogohle. Ka kgonthé Kafao yoo ke Yena yoo re mo lebeletšego. O tla re iša moo A boletšego. “Ka ntlong ya Tate wa Ka go dintlokgorparara tše ntši, gomme Ke tla ya go lokiša lefelo.” Felotsoko mošola wa sebakabaka mošola, ga ke tsebe, eupša O tla tla morago go re amogela. Seo ke selo. “A dipelo tša lena di se hiduege, le ge e le go tšhoga.” Oo, ke rata seo. Seo se no ntira ke tsebe, gore, “Go na le legae ka Leswikeng felotsoko, godimodimo ga ntlhora ya thaba,” bjalo ka ge moreti a boletše.

<sup>70</sup> Bjale, go wa go ke go hloka go amega bakeng sa Mmele wa Kriste. Ke a dumela gore mohlomongwe selo sa maleba ga se sa neelwa. Baithuti ba bantši ba baswa bao ba tla tšeago pitšo ka bophelong, ba bona bontši bja go šitwa kudu ntle fa, gomme ka kgonthé ba bona gore tshepedišo le lenaneo la letšatši le šitilwe. E sego . . . Kriste ga se a šitwa, eupša tshepedišo ye re e hlotšego e šitilwe. Lenaneo la Kriste ga se la šitwa. Eupša tshepedišo ya batho e šitilwe. Bjale, Kriste o ne lenaneo leo re swanetšego go tsena ka go lona.

<sup>71</sup> Bjale, re ka kcona go dula nako ye telele go Mangwalo a se makae a mannyane a le dilo ke bego ke nyaka go šupa go tšona. Eupša go hlaganelo go bapa, a re thomeng bjale le go thoma morago ka go Puku ya Jesaya, le go thoma ka Johane go bitšweng “segalontšu sa yo a goelelago ka lešokeng,” mengwaga tsoko ye makgološupa le lesomepedi pele ga tswalo ya gagwe.

<sup>72</sup> Gomme ge Sakaria, tatagwe, moprista letšatšing la gagwe, o be a le modiredi ka tempeleng ya Morena. Gomme yena le mosadimogatša wa gagwe, Elisabetha, ba be ba tšofetše kudu. Gomme Moya wo Mokgethwa o tlide go Sakaria le go mo šegofatša, le go mmotša ka ngwana, bjalo ka ge bohle re tseba. Eupša e swanetše go ba e bile selo sa go tlaba, le maikutlo ka pelong ya baratani bale ba go tšofala, ge morwa yo wa tshepišo a

goroga. Gomme, polelo ya gagwe, o be a le semuma go fihla nako ye a filego leina la gagwe, go ya ka Lentšu la Modimo. Le a bona?

<sup>73</sup> Lentšu la Modimo le phethagetše kudu. Gomme ka gobane khutlo e tee ye nnyane yela goba thaetlele e ka se kgone go feta, e ka se kgone go feta go fihla e phethagaditšwe. Jesu o etla, gomme O tlela Kereke ntle le sepatsso le lengalatsepa. Gomme ga go Lentšu le tee goba ntsekana e tee ya Leo e ka tsogego ya šitwa. Kereke e tla ba ka go sebopego seo ge Jesu a etla. Ba re letile.

<sup>74</sup> Bjale, hlokamelang gore Sakaria le Elisabetha, bjalo ka ge ba be ba tšofetše kudu, ba tsebile gore ba ka se kgone go phela ntle sekgao sa bophelo, botelele go lekanelo go bona morwa wa bona, se Modimo a mmoloketšego. Eupša ba tsebile gore Modimo o be a na le yena, gobane Moya wo Mokgethwa o be o tshepišitše tshepišo yeo, gomme ba tsebile Modimo o be a tla hlokamela morwa wa bona. Bjale, go ya ka histori fao, ba hwile ge a be a ka ba mengwaga ye senyane ka bokgale.

Gomme, Johane, baisa ba ba makatša bjang.

<sup>75</sup> Bjale, go bonagetše eke Johane, go tšweng lapeng la moprista, gore yena go beng monna wa bodumedi, le go tsebeng go bile le pitšo ka bophelong bja gagwe, a ka be a ile thwi go otloga tlase sekolong le go ba moprista boka tatagwe. Bjale, seo e ka be e bile go kitima ga tlhago ga kgopolو.

<sup>76</sup> Ge mošemane a hwetša pitšo ka bophelong bja gagwe, selo sa pele ba naganago ka sona ke go kitimela godimo seminaring felotsoko, le a bona, kitimela sekolong goba se sengwe ka mokgwa woo, go leta go fihla le hwetša digrata tša lena, le go ya pele, pele le rera.

<sup>77</sup> Gomme, bjale, Johane o dirile feela pele morago go seo, sebakeng sa go ya sekolong seo tatagwe a tšwilego go sona. O tsebile go be go le pitšo ka bophelong bja gagwe. Gomme o tsebile gore o be a swanetše go tsebiša-... o be a swanetše go tsebiša, go lefase, Mesia, gobane o be a swanetše go ya pele ga Gagwe. Gomme go be go ka se kgone go ba phošo ka go yona.

<sup>78</sup> Kafao, sebakeng, o tsebile ge a ile tlase sekolong gomme a ba botša, "Bontši bja lena ga le e kwešiše fa, eupša ke nna yena yoo a tswetšwego ke Sakaria, moprista, yo a hweditšego go tsena sekolo ga gagwe fa ka go sekolo se sa thutamodimo. Gomme ke na le... Ke... Le tseba mme wa ka, mosadi wa go loka, gomme le tseba gore ke nna mang. Kafao ke tla tlase, 'pišopo, mopišopomogolo,' go ya pele, go—go ithuta se Mesia yo a tla lebegago, gobane ke tla swanela go tseba se A bogegago boka sona. Ke tla swanela go ba le kgonthe, gobane O ya go ba Motho. Ke ya go swanela go tseba se A bogegago boka sona, gore ka therešo ke kgone go Mo tsebiša lefaseng."

<sup>79</sup> Bjale, yeo ke ofisi ye bohlokwa. Gomme baena ba ka, le a tseba re na le ofisi yeo ya go swana? Nnete. Ka therešo go tsebiša, go batho, Mesia.

<sup>80</sup> Kafao o tsebile gore ge a ile tlase sekolong, gore motho yo mongwe le yo mongwe o tla ba le kgopolu ya go fapanu ka yona, gomme e tla hlola feela tlhakatlhxakano.

<sup>81</sup> Eupša Johane, ka mengwaga ye senyane bogolo, o ile lešokeng, go ba a nnoši le Modimo, gore a se dire phošo. O be a nyaka go tseba se Mesia yo a bego a tla ba sona, ka fao a tlago go Mo hwetša, ka fao A tlago go lebelelega ka gona, gore a kgone go Mo tsebiša. Gomme re hwetša gore, sebakeng sa go ya go tšeаigrata tšohle tša gagwe le go tla godimo bjalo ka moprista bjalo ka ge tatagwe a bile, le go latela dikgato tša tatagwe—tate, o ile kgolekgole go tloga sekolong ka mo a bego a kgona go ya, thwi ntle ka lešokeng, a nnoši le Modimo.

<sup>82</sup> Ga ke na le selo kgahlanong le dikolo. Ga ke na le selo kgahlanong le seo le gatee. Ke tše kaone kudu. Eupša dinako tše dingwe, morago ga ge o ne grata ya gago ka dikolong, o sa swanetše go ya ntle ka lešokeng felotsoko, go hwetša thato ya Modimo. Yeo ke nnete. Ke therešo.

<sup>83</sup> Bjale, Johane, a rwele ofisi ye kgolo ye, o ile thwi lešokeng, gomme o be a le fao go tloga mengwaga ye senyane go fihla a be a le mengwaga ye masometharo bogolo, ka lešokeng.

<sup>84</sup> Le ka kgona go lemoga tsela ye a boletšego; o be a le monna wa lešoka. “Oo, lena moloko wa dinoga.” Le a bona? O be a tlwaetše dinoga ka lešokeng. Le a bona? O...Le a bona? “Oo, selepe se beilwe modung wa mohlare.” Le a bona? O be a le lešokeng. Le a bona? O—o rerile go swana le ge a phetše, ka tikologong ye a phetšego ka go yona. Gomme o file dika tšela tša dilo tšeо a ithutilego ntle fale ka le—le lešokeng.

<sup>85</sup> Bjale, gobaneng Johane a be a ne kgonthe bjalo? A le lemogile, ga se a re, “Mohlomongwe ye ke”? O rile, “Bonang, se ke!” A ka ba bjang le kgonthe bjalo?

<sup>86</sup> Bjale a re baleng temana ye nngwe. Temana ya 26, ke e ngwadile fa. Ke nyaka go bona se re se hwetšago go tšwa go temana ye ya 26 fa.

Gomme Johane o ba arabile, a re, ke le kolobetša ka meetse: eupša go eme yo motee magareng ga lena, yo le sa mo tsebego;

<sup>87</sup> Lebelelang. Johane o tsebile. Johane o be a na le nnete bjang gore thwi magareng ga sehlopha sela felotsoko, go eme fale nako yeo, a yola o be a le Mesia? “Go na le yo Motee o eme magareng ga lena bjale, Yo le sa mo tsebego, gomme ke Yena yo a yago go kolobetša ka Moya wo Mokgethwā.” Le a bona? O Mo tsebile. Gobaneng? Gobane nako e be e batametše.

<sup>88</sup> Baena, nako e batametše. E lefa Mokriste, e sego go no tšoena kereke, goba go itshama ka tše dingwe, madirwa ke motho, maikutlo a itšego, goba se sengwe ka tsela yeo, eupša go ba le kgonthe gore o nepile.

<sup>89</sup> Bjale, go na le bontši kudu lehono bjoo re nago le bjona. Ba bangwe ba e dumelela go tsena sekolo. Ba bangwe ba e dumelela go ithuta dithutotumelo. Ba bangwe ba e dumelela go maikutlo a mannyane a go se tlwaelege. Ba bangwe ba e dumelela go dilo tša go fapano. Seo, ga ke na le selo kgahlanong le seo. Seo se lokile. Eupša seo ga se se ke bolelago ka sona. O ka kgona go ba le seo ntle le go ba le selo sa kgonthe. Le a bona?

<sup>90</sup> Gomme ke seo re lekago go se bolela. Re swanetše go ba le kgonthe, gobane nako e batametše, bakeng sa tšho–tšho tšhologo ya kgonthe ya Moya wo Mokgethwa. O tshepišitše O tla o tšholla mo matšatsing a mafelelo.

<sup>91</sup> Bjale, go ne batho ba bantši kudu ba rego, “Ge o roromela. Swara mahlo a gago a tswaletšwe. Dira mehuta yohle ya dilo, gomme o hwetše maikutlo.” O hwetša meoya, mogwera. Eupša ge bophelo bja gago bo sa sepelelane godimo go se o se bolelago, gona go ne se sengwe sa phošo ka moyo o nago le wona. Le a bona? Gomme ke therešo. Le a bona?

<sup>92</sup> Wena, o swanetše go ba le nnete. Moya wo Mokgethwa o tla tliša pele bophelo bjo bokgethwa, yeo ke nnete. Gomme ge ditlhologelo ka pelong ya gago, ge o swanetše go ikgapeletša wenamong kgafetšakgafetša, go leka go gatelela le go dira se se lokilego, gomme lefase le sa swerwe ke tlala ka go wena, gona go ne selo se sengwe se fošagetše. O a bona? Moya wo Mokgethwa, ka go wena, o ka se swarwe ke tlala bakeng sa lefase. O tla swarelwa Modimo ke tlala. Ge go le bothata go wena go ya kerekeng, le go ikgatelela wenamong go tla ge kereke e butšwe, go na le se sengwe sa phošo ka moyo wola. O leka go go thibela kgole le Modimo. Moya wa Modimo o tla go kitimišetša thwi ka go otloga kerekeng nako le nako ge mojako o bulwa bakeng sa kopanelo. Ee, mohlomphegi. Le a bona? Kafao o swanetše go ba le kgonthe ka se bjale. Nako e batametše.

<sup>93</sup> Bjale, Johane o tsebile gore nako e be e batametše, kafao kagona o rile, “Go na le yo Motee o eme mo, felotsoko, magareng ga lena, Yo le sa mo tsebego.” Ebile ga se a dira, ka nako yeo, goba a ka be a rile, “Šo Yena, goba šole Yena. Yoo ke Yena a emego *fale*.”

<sup>94</sup> Eupša Johane, ge nkabe a ile sekolong, go molaleng a ka be a šupile masometlhano.

<sup>95</sup> Eupša, le a bona, Johane o be a ile sekolong sa go fapano. Johane o be a le pele ga Modimo. Johane o be a utolotše go yena, ka Modimo, tlwa Lentšu la Modimo, se Mesia a bego a tla ba sona. Kafao o be a letile go bona leswao la Mesia. O nyakile go bona moo Mesia a bego a le gona. Modimo o tshepišitše, “Ke tla hlatsela Mesia yola go wena.”

<sup>96</sup> Ke a le botša bjale, ge le nyaka Lengwalo bakeng sa seo, e tla ba leswao la Lengwalo. Temana ya 33, a re tšeeng temana ya 33 fa gomme re bale. Bjale šetšang.

*Gomme ke a mo tseba, ga se ka mo tseba: . . .*

*. . . Ga se ka Mo tseba: eupša yo a nthomilego go kolobetša ka meetse, wa go swana o rile go nna, Godimo ga yo o tlago go bona Moya o theogela, le go dula godimo ga gagwe, wa go swana ke yo a kolobetšago ka Moya wo Mokgethwa.*

<sup>97</sup> Le a bona? Fao go be go le Modimo, a nyakago, a nyaka go dira nnete gore fao ga go tlhakahlakano ka yona. Modimo o rile, "Johane, ke ya go go fa leswao. Gomme ka gona ge o bona leswao le godimo ga Gagwe, le le ya go netefatša gore yoo ke Yena."

<sup>98</sup> Johane o rile, "O eme ntle kua felotsoko, eupša ga—ga ke Mo tsebe gabjale."

<sup>99</sup> Eupša ka pela ge a bone mo—mo Moya o theogela le go khutša godimo ga Gagwe, ga go yo mongwe gape a O bonego eupša Johane. È no nagana ka seo. Moya wo Mokgethwa o tlie fase, ka sebopego sa Leeba, gomme wa khutša godimo ga Jesu, gomme ga go yo a o bonego eupša Johane, gobane tshepišo e dirilwe go Johane.

<sup>100</sup> Bjale, ge go na le mosedumele mo yo a sa dumelego ka go kolobetšo ya Moya wo Mokgethwa, o re, "Ke no se e dumele," o ka se tsoge wa tseba e ka ba eng ka yona. O re, "Ga ke dumele go phodišo Kgethwa. Ga ke kgone go bona ke nnete." Ka nnete o ka se kgone. Aowa, mohlomphegi. Eupša, yo a dumelago, Ke wa badumedi. Bona bao ba nago le tlala ka pelong ya bona go bona Modimo, ba a e bona. Ga go motho . . .

<sup>101</sup> Bona banna ba be ba na le Paulo, ga se ba ke ba bona Seetša sela se lekeletše kua bokagodimo ga Paulo. Ga se ba ke ba bona Seetša. Eupša Se be e le sa kgonthe kudu—kudu go Paulo, go fihla, Se timile mahlo a gagwe. Go phadima kudu, go fihla Se timile mahlo a monna yo motee, a eme, a Se lebeletše, gomme ba bangwe ba eme tikologong ebile ga se ba kgone go Se bona. Kafao, le a bona, O rometšwe go bao ba dumelago gomme ba loketše go O amogela.

<sup>102</sup> Banna ba bohlale, Babohlale go tšwa bohlabela, ba latetše Naledi lebaka la mengwaga ye mebedi, tlase go kgabaganya Noka Tigris, le go kgabola melala. Gomme go tla go tšwa kgole godimo ka Arabia, godimo ka India, go tla tlase Jerusalema, go late leng Naledi yela. Gomme O fetile ka godimo ga bobogalerata bjo bongwe le bjo bongwe, gomme ga go le o tee wa bona a ngwadilego eng kapa eng ka Yona; ga se ba ke ba E bona. Eupša ba E bone.

<sup>103</sup> Kafao ke a dumela, bošegong bjo, gore Moya wo Mokgethwa o fa. O fa go bao ba beetšwego go O amogela, ba ba o dumelago, ba ba o letetšego. O fa go otlollela ntle bjo bongwe le bjo bongwe bja wona mathata a semoya. O fa go fodiša motho yo mongwe le yo mongwe a babjago a lego gona. O fa. Eupša o swanetše go tla le go tsena ka go bo—bo boemo bja Ona, le mokgwatebelelo go

o amogela. O swanetše go tla, e sego ka peakanyo ya maikutlo. O swanetše go tla godimo ga motheo wa go dumela tshepišo yeo Modimo a e dirilego. Seo se a e dira. Seo ke se se e dirago.

<sup>104</sup> O be a letile go bona leswao lela, gomme morago o be a . . . o kgonne go Mo tsebiša. Gomme o dirile.

<sup>105</sup> Bjale, letšatši la bobedi, Johane o Mmone gape, gomme o rile, “Bonang Kwana ya Modimo.” O be a na le bonneta. O be a tseba gore e be e le Yena.

Ba rile, “O tseba bjang?”

<sup>106</sup> O rile, “Yo a nthomilego ka lešokeng go kolobetša ka meetse, o rile, ‘Godimo ga yo o tlago go bona Moya o theogela, gomme wa dula, Ke Yena yoo a tla kolobetšago ka Moya wo Mokgethwa le Mollo.’”

<sup>107</sup> Go be go le ba babedi ba barutiwa ba gagwe ba eme fale, gomme ba latetše Jesu. Gomme ge re . . . E be e le Filipi, Andrea. Eupša ge ba fihlile go . . . Ba rile, “Rabi, O dula kae? Re rata go tseba mo O dulago. Bjale, re be re theeditše moprofeta a eme tlase mo nokeng. Gomme o be a re botša bjale, lebaka la dikgwedi tše tshela, gore go be go etla Mesia, gomme o be a tla Mo lemoga. Bjale, re tseba moprofeta yola go ba monna wa moloki. Re mo dumela go ba moprofeta. Ke—ke moprofeta yo a hlatseditšwego. Re a tseba ke yena. Gomme o bolela gore O Mesia. Bjale, re rata go tseba mo O dulago.”

Gomme O rile, “Etlang, le bone.”

<sup>108</sup> Gomme ba ile ka gare le go dula bošego bjhohle le Yena, gobane go be go le thari ka morago ga sekgalela. A le lemogile, ba dutše le Yena bošegong bjoo. Gomme mosong wo o latelago, Andrea o be a kgodišegile ka go felela go fihla a nyaka go hwetša ngwanab. Le a bona?

<sup>109</sup> Bjale, yeo ke tsela e nnoši yeo ke e bonago bakeng sa fale go tla kamego ka kerekeng, le morago magareng ga batho, ke go dula botelele go lekanelo go fihla o kgodišegile gore lenaneo le a rereša, gomme ke Modimo; gomme e sego phoro tsoko ya monagano, goba maikutlo, goba—goba saekolotši, goba peakanyo tsoko. Ka go felela ke kolobetšo ya Moya wo Mokgethwa yeo Modimo a tshepišitšego go e tšholla mo letšatšing la mafelelo.

<sup>110</sup> Ke ka baka leo diseminari di hlohloregago. Ba a bona gore tšohle ba di hwetšago, ka mokgwa wo mongwe goba wo mongwe, ga e . . . Ka mehla e tshepiša se sengwe seo o ka se tsogego wa fihla go sona. Se sengwe di se tshepišago, gomme di no tšwelapele di tshepiša, le go tshepiša, le go tshepiša. Ga o tsoge wa fihla go yona.

<sup>111</sup> “Eupša tshepišo ke ya lena, le go bana ba lena, le go bona ba ba lego kgole, le ba bantši ba Morena Modimo wa rena a tlago go ba bitša,” Petro o boletše ka Letšatši la Pentecost. Bjale, e no

se be bakeng sa sehlopha moragorago, lebaka tsoko le lengwe. Ke lehono. Bokgole bjo bokae? "Ba bantši ba Morena Modimo wa rena a tlago go ba bitša." Maswao a be a swanetše go latela modumedi, gore ba tle ba tsebe gore e be e le bomang; go fa bohlatse bja bona, gore ba be ba le.

<sup>112</sup> Bjale, Andrea o bile kudu, go amega kudu, gobane o dutše le Yena bošego bjohle gomme o ile a kgodišega. Gomme ka gona ge a kgodišegile gore O be a le Kriste, gona o ile a amega ka yo mongwe gape.

<sup>113</sup> Gomme ke a dumela gore monna yo mongwe le yo mongwe, mosadi yo mongwe le yo mongwe, mošemane yo mongwe le yo mongwe goba mosetsana, yo a dulago botelele go lekanelo, gore o kgodišegile gore Ke nneta, gomme Ke Moya wo Mokgethwa, o imetšwe thata kudu ka pelong ya gago, gore o ka se kgone go šišimala le go dumela batho ba go hwa ka mokgwa wo ka dihlong le sebe. E tla šilaganya yona pelo go tšwa go wena, go tšwela ntle fa mo mekgotheng ye. E a dira, Mokriste e ka ba ofe, go bona batho ka moka ba neetšwe go sebe: go nwa, go kempola, go rogana, go hlapaola, go kgoga. Koloi ye nngwe le ye nngwe o emago morago ga yona, ke mosadi wa sekerete ka menwaneng ya gagwe, ka wo mongwe wamekoto ya meriri ye ya hlogomeetse, yeo ba—ba e šomišago bjale, le ditšiebadimo tšohle tše tša go tlwaelega. Gomme dikete tša bao ba ipolela go ba Bakriste.

<sup>114</sup> A ga o lemoge, mogwera, ka gore ke ka go seo, gore boka mohumagadi wa pele wa naga, a le be le tseba Isebele e be e le mohumagadi wa pele wa naga yela le yena? Le a bona? Nneta. Eupša Eliya o mmileditše ntle. O mo hloile, eupša o mmoditše moo a lego wa gona. Gabotse, o be a le modiša wa gagwe. O be a sa nyake go e amogela, eupša o be a le. Yeo ke nneta. O mmoditše.

<sup>115</sup> Bjale, re bona sebe sohle, le dilo ka tsela ye di lego, gomme se šilaganya ka pelong ya e ka ba mang. Go bona bana ba bannyane... Mosadimogatša wa ka o be a mpotša mosong wo. Re ile godimo kerekeng ye nnyane godimo ka lefelong le lengwe. Ngwanešu Williams o re išitše godimo kua, maabane. Gomme o rile, "Bill, go be go kgahliša."

<sup>116</sup> Ka morago ga go tla mekgotheng le go bona basetsana ba bannyane, ba sego ka godimo ga bogolo bja mengwaga ye lesomepedi, ba sepela mmogo ka disekerete ka diatleng tša bona, le bašemane ba etla go tšwa sekolong, ka matsogo a bona go ba dikologa, lefelo la go fošagal. Bana, gobaneng, maphodisa a swanetše go topa se sengwe boka seo. Gabotse, yeo ke tshenyego. Eng? Segotlane sela se sennyane sa go šokiša, go tla direga eng go yena? Ntle ka dišepining, le se sengwe le se sengwe gape, go nwa, le go kempola, le go tšwelapele le bašemane ba, gomme ba sego ka godimo ga lesomepedi, bogolo bja mengwaga ye lesomenne, gomme mmagobona o no ba gampe. Yeo ke nneta. Gomme bohle ba bona ke ba kereke.

<sup>117</sup> O rile, ka kerekeng ye ntle kua maabane, “Go be go le bose go bona sehlopha sa bana ba bannyane, e ka ba seswai goba senyane mengwaga bogolo, bohle ba etla ka gare le go ya aletareng le go rapela, gomme morago ba swara mankgeretla le go ya go phadimiša ditulo gore batho ba kgone go tla ka gare bosegong bjoo.”

<sup>118</sup> A go šegofatšwe Leina la Morena! Go sa ne lekala le le šetšego, felotsoko. Go na le mašalela ao Modimo a tla a bitšago mmogo. Go lokile.

<sup>119</sup> Go kgodišega gomme morago go amega. Bjale, Andrea o be a amegile ka ngwanabo, ka pela ge a be a kgodišegile ka go felela gore yoo e be e le Mesia. O e dirile bjang? O dutše le Yena bošego bjohle.

<sup>120</sup> Bothata bja yona ke, re ka se dule le Yena metsotso ye mehlano. “Oo, re swanetše go ya gae. Lenaneo tsoko la thelebišene le a kgatlampana. Re no swanelo go bona papadi yela. Ke no se kgone go dula bottelele gape. Seo ke phetho. Ga se ka foša seo ka nako ye telele. Ke go tatelano ba e sepedišago, le a tseba. Gomme ka fao nka—nka se kgone . . .” Ya. Yeo ke yona. Uh-huh. “Ke a le botša. Ke—ke no swanelo go dira *se*, goba *sela*. Nka se kgone go dira *se* le go dira *sela*.” Ga go nako.

<sup>121</sup> Oo, ngwanešu, “Nyakang pele Mmušo wa Modimo le go loka ga Gagwe.” Le a bona?

<sup>122</sup> Eupša selo, gona, seo se lahlegelwa ke kamego, gomme morago ga nakwana o lahlegetšwe ke ka moka. O lahlegetšwe ke se sengwe le se sengwe. Ga o tshwenyege ka e ka ba eng gona eupša feela wenamong. Yeo ke nnete.

<sup>123</sup> Re a am- . . . amega kudu lehono ka go tlatša dikereke tša rena. Re nyaka go bona ge eba re . . . ba . . . ge rena Mapentecostal re ka se kgone go hwetša bontši go feta Mabaptist. Mabaptist ba nyaka go hwetša bontši go feta Mamethodist. Gomme ba goeletša ka lethabo ba hwetša bontši le bontši nako yohle.

<sup>124</sup> Eupša ba na le eng? Ga ba ne selo eupša feela go thuhlulana go tloga mekgotheng ka fale, ge go se selo se ka tlišwago ka kerekeng eupša ye kgethwa le go hlwekišwa le go beelwa thoko. Ga go makatše modiradibe o na le nako ye mpe. Gobaneng, batho, ebole le Mapentecostal a rena, ba tšeakare ke bona Bakriste, ba eya go dikologa le go gerema ka lefaseng, ba kitimela dipontšhong tša diswantšho le diphathi le ditansi, basadi ba ripa moriri wa bona gomme ba apara dikhete tša maitshwarohlephi.

O re, “Ga ba e dire.”

<sup>125</sup> Etlang tlase go difihlolo tša Banna ba Kgwebo gomme le hwetše ge eba ga ba dire, goba aowa. Etlang ka go kereke e ka ba efe ya Pentecostal, go nyakile, ka Lamorena mosong, gomme le hwetše ge ba se—ba se. Basadi ba ipinyeletša bonabeng ka

go diroko tše nnyane tša kgale le—le dilo, le go itshwara gampe kudu, le se sengwe le se sengwe boka seo. Yeo ke hlong. Le a tseba ke yona.

Gobaneng, o re, “Gabotse, ga wa swanela go bolela seo.” Ke . . .

<sup>126</sup> O Modimo eba le kgaogelo. Modimo re fe yo mongwe yo a nago le sebete go lekanelo go se bolela. Ke Beibele. Ya. Seo ke selo se se swanetšego go bolelwa. Nneta.

<sup>127</sup> Gabotse, monna, mo—mo—mo monna yo a tla dumelelago mosadimogatša wa gagwe go dira seo, ke—ke na le ditlhompho tše nnyane go yena le yena. O be a tla ba Mokriste bjang, ge a swanetše go buša ntlo ya gagwe mong, go e boloka ka lenaneo? Gobaneng, ke dihlong. Re swanetše go ya morago go bokgethwa, go ya morago go la go ja, go ya morago go Modimo. Go bjalo.

<sup>128</sup> Eupša ge le bona, lefase le bona kereke, feela renabatho ba Pentecostal re bolela se sengwe, lefase le re ga ba na le sona. Le a bona? O re, “Ga ba na le sona. Ga ba fapano go tšwa go ka moka ga bona.” Gabotse, seo e no ba nneta tlwa. Ba a rereša, feela tlwa.

<sup>129</sup> Le a tseba, ka mehla re leka go kgonana le lefase. Re leka go ba phala. Bjalo ka ge ke boletsé bošego bjo bongwe, o—o—o leka go kopana le bona lebaleng la bona. A nke ba tle godimo lebaleng la renab. Le a bona? Ga re nyake go leka go hwetša se ba nago naso. Re na le se sengwe seo ba ka se kgonego go ba le sona ntle le ge ba eba yo mongwe wa renab, gore re, yeo ke nneta, eba sebjana sa Morena, go ba le Kriste.

Kriste o rile, “Ge Ke phagamišeditšwe godimo, Ke tla gogela batho bohole go Nna.”

<sup>130</sup> Eupša, le a bona, ge kereke e sa dire seo, ba phagamišeditše godimo . . . O swanetše go Mo phagamiša, bjalo ka ge pina e boletsé, ka go phela bjalo ka ge Bakriste ba swanetše go dira. Le a bona? Eupša sebakeng sa seo, re thomiša thwi, tšona dilo re di dirago le dilo, go netefatša gore ga re ne yona. Le a bona? Kafao wena, ba notšeagore seo, bjalo ka ge ke boletsé bošego bjo bongwe. O se ke wa dira seo. Etla morago. O se ke wa tšeakemedi, ka baka la gore o ya go hwa.

<sup>131</sup> Gomme elelwa, ge o ehwa gomme soulo yela e go tlogela, ga e tsoge ya fetoga. Aowa, mohlomphegi. Lehu ga le fetole soulo. Le fetola lefelo la lona la bodulo, eupša e sa le soulo ye e swanago. Kafao ge e se ya tswalwa gape, le karolo ya Moya wa Gosafelego wa Modimo, e bile le mathomo. E ka ba eng e nago le mathomo e ne bofelo. Ke ka lebaka leo Modimo a lego selo se nnoši ke sa Gosafelego.

<sup>132</sup> Ntle le ge o tswetšwe gape gomme o na le Bophelo bjo Bosafelego (lentšu la Segerike Zoe le ra “Bophelo bja Modimo Mong” ka go wena), o tla senyega. Eupša moo Bophelo bja Modimo bo lego ka go wena, o ka se senyege go feta Modimo a

ka senyega, yeo ke nnete, gobane o morwa, lehlogedi la Modimo, gomme o ne Bophelo bjo Bosafelego. Oo, seo ke selo se kereke e se hlokago. Ka gona ge Modimo a le ka go wena, gona O phela Bophelo bja Gagwe Mong ka wena. Le a bona? Gomme ke ka fao re-re tsebago gore re Bakriste. Gona o amega ka ngwaneno, ge Moya o le ka go Kriste.

<sup>133</sup> Gore, O be a amegile kudu, gore O tlide go tšwa Legodimong, a tlogela Legodimo, o tlide fase mo lefaseng, le go tswalwa ka setaleng sa manyora le sehlopha sa dikgomo tše di llago, le ebile go se diaparo tše A apešitšwego. O—O amane. Go se lefelo go latša hlogo ya Gagwe; go se lebitla go bolokelwa ka go lona; a iteilwego le go rathwa, ka tsela ye A bilego. O be a amega go lekanelo, gomme Modimo o ratile lefase kudu, go fihla A efa Morwa motswalwanoši wa Gagwe.

<sup>134</sup> Gomme dilo tšela tšohle fale, gore Moya wola woo o bego o le ka go Yena ka go lena, gomme ka gona ga re amege yo motee go yo mongwe le ka kereke?

<sup>135</sup> Batho ba a mpotša, nako yohle. Monna o rile, e sego telele go fetile, o rile, “Ngwanešu Branham, tlogela go tseatšea kereke. Tlogela go bolela dilo tše. Seo ga se sa gago go se bolela.”

Ke rile, “Ke mang a yago go se bolela gona?” Le a bona? Yeo ke nnete.

<sup>136</sup> Woo, nnete, ke—ke mošomo wa renā. Ke mošomo wa renā go batho, ka kgonthe go bolela Therešo, gobane le ya go kopana le yona gape. Ye e no ba go dula go gonyanye; yeo ke ya Gosafelego fale. A re duleng le yona, re bolele therešo gomme re be therešo ka yona. Ee, go amega.

<sup>137</sup> Sa pele, pele o ka kgona go amega, o swanetše go kgodišega o a rereša. Ka gona ge o kgodišegile gore Modimo o a reresha, gomme Modimo o ka go wena, gomme Modimo o go diretše dilo tše kgolo bjalo, gona o ne kgonthe. O bona ngwaneno ka phošong, o ya go mmotša ka yona. Ge go se, go ne se sengwe sa phošo. Yeo ke therešo, bjale.

<sup>138</sup> Gomme ge o bona gore kereke e phošo. Wena, ga go kgathale, o rata kereke. Gomme—gomme wena o . . . Kriste o ratile Kereke gomme O file bophelo bja Gagwe bakeng sa Yona. Gomme re swanetše go dira selo sa go swana. E sego feela go swanela, eupša re tla dira ge re na le lerato la Kriste ka go renā. E re gapeletša le go re swanela go dira bjalo, bjalo ka Bakriste. Ee.

<sup>139</sup> Ka pela ge Andrea a kgodišegile gore yoo e be e le Mesia, o dirile eng? Ga go pelaelo bošegong bjoo, a dutše fale ka kopanong, moo yena le—le mogwera wa gagwe. Kriste o dutše ka ntlong fale, ntle le pelaelo eupša se Jesu a ilego thwi morago ka Mangwalong gomme a thoma go mmotša.

<sup>140</sup> Bjale, Andrea o be a le serutegi, gobane tatagwe o be a le. Yena, yena le Petro, ba bile. Tatagwe e be e le Mofarisei, gomme o

be a le wa go loka, monna wa go hlahliwa. Gomme kafao o tsebile se Mesia a bego a tla swana le sona.

<sup>141</sup> Gomme ge a bone Mesia a dira dilo tše Mesia a swanetšego go di dira, o bone ka tsela ye A phetšego le se sengwe le se sengwe, o be a kgodišegile gore yoo e be e le Mesia.

<sup>142</sup> Bjale, ge o bona Modimo a go swara, le go fetola bophelo bja gago, go go dira go tšwa go se o—o . . . se o sego sona, go ya go se o swanetšego go ba sona, gona o loketše go botša yo mongwe gape ka yona. O kgodišegile.

<sup>143</sup> Eupša bothata bja yona ke, re sepelela godimo, re na le ye kopana, ya go kgaoletša ka pela. Re no, “Oo, re ka se dule fale botelele kudu. Aowa, o se bolele matšatši a lesome go rena, goba bošego bjohle.” Aowa, re swanetše go ya godimo, gomme mohlomongwe re tla šikinya diatla le modiredi, goba go bea leina la ren a godimo ga puku, goba go ya go kgabola maikutlo a mangwe a mannyane. “Re na le yona.” Ntle, bošego, bošego bjo bongwe ka kamoreng ya para, bošego bjo bo latelago ke rera Ebangedi. Le a bona? Le a bona? Oo, nna! Seo ke se, moo bothata bo lego. Ke ka baka leo re hlakahlakanago ka gona, le a bona, ka dilo tseo. A nke monna a inetefatše ka boyena.

<sup>144</sup> Ke elelwa theroy a mathomo ke lekilego go e rera. Ke leboga moreri yola wa kgale wa Missionary Baptist. Ke ile godimo kua. Gomme ke bone ka tsela ye a rerilego. Ke nno ba momo mošemane, ke le ka Tseleng e ka ba dikgwedi tše tshela goba ngwaga. Gomme o nteleditše, o rile, “Bjale, ke nyaka o rere gosasa, goba Laboraro bošego.”

<sup>145</sup> Ke ile godimo ka phuluphithing. Ke naganne ke dirile feela boka moreri. Ke naganne ke dirile gabotse. Bomme ba kgale, morago ga fao, ba mphaphathile ka morago gomme ba rile, “Ngwanešu Billy, seo se be se no makatša!” Bomme ba kgale, le a tseba, go dikologa, ba lla, ba re, “Gomme Modimo o ya go dira moreri go tšwa go wena.”

Ke naganne, “Oo, ke a holofela O a dira.” Ke naganne ke dirile se segolo.

<sup>146</sup> Ke ile godimo go Ngk. Davis wa kgale, a dutše fale, dipounama tša gagwe di lekeletše fase. Ke rile, “Ke dirile bjang, ngaka?”

O rile, “Se sebesebe nkilego ka se kwa.” Le a bona?

<sup>147</sup> Ke naganne, “Oo, nna!” Ke naganne ke ile go kgabola maikutlo ohle le se sengwe le se sengwe ke bego ke swanetše go se dira, o hwidinyetša diatla tša gago le se sengwe le se sengwe gape, le a tseba, boka moreri a dira. Ke naganne ke be ke dirile feela yo mongwe le yo mongwe wa bona. Ke be ke mo šeditše le go dira feela se a se dirilego.

O rile, “Gampempe nkilego ka go kwa.”

Ke rile, “Ngwanešu Davis?”

<sup>148</sup> O rile, “Ga se ka ke ka kwa se sebjalo ka bophelong bja ka.” O rile, “Lesogana, ke nyaka o kopane le nna ka boithutelong bja ka, gosasa morago ga sekgalela, ka iri ya bobedi.”

<sup>149</sup> Ke naganne, “Oo, nna!” Kafao ka iri ya bobedi ke ile tlase, mafofa a ka ohle a gogetšwe godimo, le a tseba. Ke rile, “Mantšiboa a mabotse, Ngk. Davis.”

O rile, “Go bjang, Billy? Dula fase.”

Ke rile, “Ee, mohlomphegi.”

O rile, “Ke a thanka maikutlo a gago a gobetše.”

<sup>150</sup> Ke rile, “A nno napitlwa. Yeo e be e le phetho.” Ke rile, “Gabotse, eng, ke dirile eng phošo?”

<sup>151</sup> O rile, “Ke nyaka go go botša kanegelo ye nnyane.” O rile, “O a tseba, ke ithutile, ke bile ramolao pele ke eba modiredi.”

Ke rile, “Ee, mohlomphegi. Ke tseba seo.”

<sup>152</sup> O rile, “Billy, nako ye nngwe ke ithutile molao, gomme ke e dirile feela ka tsela ye o dirilego Beibebe, goba ka tsela ye o ithutilego ka bodiredi.”

<sup>153</sup> O rile, “Ke be ke nagana gore ke be ke le ramolao ge ke be ke ena ka pankeng.” O rile, “Ke ile godimo kua gomme ka phophotha molato wa tlhalo nako ye nngwe, molato wa ka wa pele.” Gomme o rile, “Ke be ke tla bona boramolao bale ba betha mo tafoleng ka mokgwa wola, le go goeletša ‘Yo a hlomphegago, mohlomphegi, Moahlodi!’ Le go goeletla le go phumula sefahlego sa bona, ka megokgo. ‘Mosadi yo monnyane yo wa go šokisa, ke *semangmang*,’ le ka mokgwa woo.” O rile, “Gomme morago ga nakwana, moemedi wa kgale, o be a le moganetši wa ka, ka lehlakoreng le lengwe,” o rile, “o nno dula le go bogela nako ye telele.” O rile, “Ke llile. Ke bethile teseke, le go dira se sengwe le se sengwe feela boka boramolao ba dirile.” Gomme o rile, “Nna! Molwantšhi wa kgale o dutše godimo fale, ramolao yo mongwe ka lehlakoreng le lengwe, ramolao wa monna o dutše fale. Thwi o rile—o rile, ‘Moahlodi, yo a Hlomphegago, ke ditšiebadimo tše kae go fetiša kgorotsheko ye ya gago e ka kgonago go di emela?’”

<sup>154</sup> O rile, “Ke lahlegetšwe ke molato.” Gomme o rile, “Ka kgontha ke be ke hwiphintšwe.” O rile, “Ke ithutile se sengwe nako yeo, o a bona.” O . . . Gomme ke botšišitše moahlodi. O rile, e sego . . . O rile, “Moemedi, le yena, e be e le mogwera wa ka. Eupša,” o rile, “o tlile tlase kua, gomme o rile, ‘Roy, ke dirile seo ka morero.’ O rile, ‘O a bona, o be o eya ka maikutlo. O be o lla, o šikinya hlogo ya gago, le go e betha.’

“O rile, ‘Ke dira feela boka boramolao ba bangwe ba e dira.’

<sup>155</sup> “O rile, ‘Eupša o be o sa bea le mothalwana o tee wa molao ka go yona. Ga se maikutlo a gago ao a fenyago molato; ke kahlolelo ya molao. O swanetše go tseba se molao o se bolelagoo ka yona.’”

<sup>156</sup> “Gomme yeo ke tsela ya go swana go lego lehono, ka ga gago.” O rile, “Billy, o šišintše hlogo ya gago, gomme wa lla le go tabogela godimo le fase, eupša ga se wa tsoge wa rera lentšu le tee go tšwa Beibeleng. O ile go kgabola mehuta yohle ya maikutlo.”

<sup>157</sup> Ke Lentšu la Modimo le le bolelago. Ke Lentšu la Modimo le le e bolelago. Nnete tlwa. E swanetše go ba Lentšu, tlwa Lentšu.

<sup>158</sup> Gomme ge ba bone Lentšu lela le dirilwe nama fale ka go Jesu Kriste, Andrea o be a kgodišitše moka, gomme ka gona o ile a amega ka ngwanabo. O ile thwi ka pela.

<sup>159</sup> A le hlokometše? Ga se nke a re, “Etsa godimo, Simone. Ke—ke—ke nyaka o tle godimo le go dula ka kopanong le nna. Mohlomongwe mogongwe re ka kgona go hlatha meboya, gomme re ka kgona go hwetša ge eba Monna yo ka kgonthe ke Mesia goba aowa.” Ga se nke a bolela seo.

<sup>160</sup> O rile, “Re Mo hweditše.” Go be go se na go kgamakgamerša ka yona. “Re hweditše Mesia. Etsa, o Mmone.” O be a kgodišegile ka go tsenelela.

<sup>161</sup> Moshe, ka mokgwa wo bjalo, ge a be a gopola go tšea taolo, tlase ka Egepeta, gomme a bolaya Moegepeta, o be a se na le go ipolelw. Ga se A ke... O be a sa tshwenyege ka yona. Ge Modimo a be a eya go ba le yena, gobaneng A be a se ne yena?

<sup>162</sup> Kafao o ile ntłe gomme o nyetše mosadi yo mobotse. Gomme kafao o bile le lesea ka yena, Gerisome, gomme—gomme ba be ba iketlile fase. Gomme o be a eya go tšea mohlape wo mogolo wa dinku ntłe kua go tšwa go Jethero, mo—mo moprista wa Momediane. Gomme o be a le, se sengwe le se sengwe, o be a le mokgotheng wo bonolo. O be a tla phela le mosadi wa gagwe, le go ba le legae le lennyane, gomme, le a tseba. Feela, o be a dira gabotse; mošomo wo mobotse, o be a eya go ba mojabohwa. Se sengwe le se sengwe se be se lokile.

<sup>163</sup> O be a sa iše felo. O be a sa kwe sefepi sa mongmošomo gape. O—o be a sa tshwenyege ka baena ba gagwe tlase kua: ka babelegiši ba go šokiša; le—le basadi ba na le masea a bona, ba ba bego ba phatlotše dihlogo tša bona le go ba lahlela go dikwena; gomme—gomme, bona, ka fao ba ba dirilego go direla thata tlase fale; o ro... gomme ka bokgobeng le ditemong. O be a se ne kgahlego.

<sup>164</sup> O bile le legae la gagwe le lefetšwe, feela boka re dira lehono. Seo ke selo sa pele re naganago ka sona: go lefela legae. Seo ke se sebotse. O swanetše. Yeo ke nnete. Eupša go ne se sengwe se swanetše go ba pele ga seo.

<sup>165</sup> Ke Modimo, pele, go ya pele ga kereke. Ke mošomo wa motho yo mongwe le yo mongwe ka kerekeng ye thwi fa, go bona gore selo se ya pele gabotse. Gomme o bea maatla a gago go yona, go tliša monna le mosadi yo mongwe le yo mongwe, mošemane

goba mosetsana, yo o ka kgonago, ka mokgotheng le magoreng, le ditsejaneng, go mo tliša ka kerekeng.

<sup>166</sup> Moshe o be a dutše morago. “A nke ba. Ke a thanka, ge yeo e le tsela ye ba nyakago go e dira, go lokile.” Le a bona? O be a se a ke a ba le boitemogelo bja sebele nako yeo.

<sup>167</sup> Kafao, letšatši le lengwe, morago ka lehlakoreng la morago la leganata, go be go le modiši wa go tšofala wa ditedu a ile tlase go kgabaganya thaba fale, ka lepara ka seatleng sa gagwe. O tlide ka gare, sefahlego le sefahlego le Modimo; Jehofa Modimo a dutše godimo kua ka sethokgweng, gomme se tuka. Modimo o gogile šedi ya gagwe go lekanelo go mo iša godimo fale le go rola dieta tša gagwe go yena. Gomme o kwele Segalontšu sa Modimo. O ile a kgodišega, gore, “KE NNA YO A LEGO GONA. Ga Ke tsoge ka šitwa. Ke nna Yo a bego a na le Abraham, Isaka, le Jakobo. Ke sa le Modimo wa go swana.” [Ga go selo go theipi—Mor.]

<sup>168</sup> Ka gona ge a hweditše gore Modimo o be a se sehlopha sa dithutotumelo, Modimo o be a se sehlopha sa dithuto; Modimo o be a le wa kgontha, a phela, Modimo wa go phela, pelo ya gagwe e be e tuka. Ga se gona se yago go mo thibela bjale. Gomme o hweditše e be e le morero wa Modimo go lokolla Israele, gomme o be a bileditše mošomo.

<sup>169</sup> O Modimo, re fe bareri ba go swana le bao. Seo ke se re... Seo ke se re se hlokago, baena. A ga re, baena? [Baena ba re, “Amene.”—Mor.] Yeo ke nneta. Sebakeng sa go tšhaba felotsoko gape.

<sup>170</sup> Boitemogelo bjhohle bja seminari bja Moshe bo be bo ile nako yeo. Le a bona? O—o be a le monna wa setswerere. O be a rutilwe ka go bohlale bjhohle bja Baegepeta; o kgonne go ba ruta. Eupša ga se e dire botse. O be a swanetše go ba le boitemogelo bja sebele le Modimo. Gomme o kopane le Yena kua, sefahlego ka sefahlego, gomme a bolela le Yena. Gomme ka pela ge a boletše le Yena, o hweditše se kgopoloy a Gagwe e bilego, le se lenaneo la Gagwe le bilego, nako yeo o be a amegile ka baena ba gagwe ba ba bego ba le ditlemong.

<sup>171</sup> Gomme monna goba mosadi e ka ba mang yo a kilego a kopana le Modimo, sefahlego ka sefahlego, gomme ba kgona go sepela go tloga le go e tšea selo se bohwefo, go bona batho mo mekgotheng, ba hlotlola ka sebeng, e a go bolaya.

<sup>172</sup> Ke rile go mosadimogatša wa ka, nako ye nngwe ya go feta, le ba bangwe ba baena ba ka. Ke rile, “A ke ile go gafa? A ke nna monna wa segafa? Gobaneng ke tšwela pele ke kgakgamolla batho? Gobaneng ke bolela se? Gomme ke a ikona,” ke rile, “go ikona le go rapela, go tloga go yona.” Bontši ge ke ikona, sebe se gakala ka go befa. Le a bona? E no e gakatša, go fihla, go botega, ebile ga o kgone go ya ntle.

<sup>173</sup> Mosadimogatša wa ka o be a nnyaka go ya le yena go mohuta tsoko wa lebenkele, letšatši le lengwe. Ke ile mojako, gomme mo

go tla mohumagadi go kgabola kua. Gomme ke tseba mo mosadi a yago kerekeng. Gomme, yena, go be go šiiša. Ke ile ka goelela, "Eya morago, nkokoi. Ke tla loka." Ke bone wo mogolo wola, moriri wo mogolo o kgamathetše ntle ka mokgwa *wola*, ka pente ye tala ya go lebega bolou go dikologa ka tsela *ye*, le go theoga ka tsela *yela*. A etla o thekesela go kgabola mola, o bonagetše bjalo ka ya go swinelelwa, bienia ye e ebotšwego, ntle fale ka go tšona diaparo. Ke a le botša, oo, go be go šiiša. Nnete.

<sup>174</sup> Ke be ke le ka difihlolong tša Banna ba Kgwebo kgauswana, godimo ka Los Angeles, gomme ke be ke eme fale ke letetše Ngwanešu Arganbright go tla ka gare. Gomme mohumagadi o tsene ka gare. Ga se ka ke ka tsoge ka bona e ka ba eng boka yona. Ke naganne, "Oo, nna, lebelelang selo sela sa go šokiša! Yena, se sengwe sa phošo ka yena." Kafao ke a thoma, ke—ke thomile go sepela go tloga.

<sup>175</sup> Ke rile, "Aowa. Ke nna modiredi. Ke swanetše go bolela le yena. Ke—ke—ke bone ke—ke bone kankere. Ke bone lephera. Ga se nke ka ke ka bona e ka ba eng boka seo. Yena ke yo motala gohle ka tlase ga mahlo." Ke thomile. Ke sepeletše godimo fale. Bjale, batho ga ba lebege ka mokgwa woo, ntle le ge ba hwile goba se sengwe, goba ba bodile. Kafao, ke ile godimo kua.

<sup>176</sup> Gomme ke naganne, le a tseba, ke be ke eya go sepelela godimo go yena le go re, "Kgaetšedi, ntshwarele. Ke—ke nna mo—ke nna modiredi, gomme bodiredi bja ka ke go rapelela balwetši. Ga—ga—ga ke tsebe, eupša a o ka rata ke go rapelela thapelo?"

<sup>177</sup> Gomme ge ke be ke sa nagana, mo go tla yo mongwe godimo, gomme ka gona yo mongwe godimo. Lekga la mathomo ke ilego ka e bona, mmala wa go segiša ka kgonthe godimo ka tsela *ye*, le a tseba, le—le—le bolou godimo *fa*, le botala tlase *fa*. Gomme e be e le ponagalo ya go lebega go segiša kudukudu. Gomme, bobotse go botega, hlogo ye kgolo *yela* go dikologa. Ga—ga se ka ke ka tsoge ka bona e ka ba eng boka yona. Ke ikwetše go lewa ke dihlong ka nnamong.

<sup>178</sup> Gobaneng, ke kgobogo! Ka kgonthe ke yona. Gomme ba apere diaparo tše dinnyane, boka, le a tseba, dileka, ba a di bitša. Mola, Beibele e rile, "Mosadi yo a aparago seaparo sa go swana le sa monna, ke makgapha pele ga Modimo." Oo, selo ka moka se swanetše goba sa go nkga pele ga Modimo. Gomme pelo ya gago e ka kgona bjang go lebelela godimo ga seo, gomme wa se amege? Ge, o bona setšhaba sa geno mong, batho ba geno mong, batho ba šišinyega ka tlaišegong, ba eya ka heleng, gomme o ka se kgone go dira selo ka yona. A nke ke goelele ge feela ke ne segalontšu go goelela. Ga ke kgathale se e ka ba mang a se bolelago. Go ne nnete le phošo. Ke nyaka ka lehlakoreng le letona ge ke eme pele ga Modimo. Ke nyaka go ema. Ee. Kgonthe.

<sup>179</sup> Moshe o be a amegile ge ka kgonthe a hweditše gore Modimo o be a le Modimo. O be a amega.

<sup>180</sup> Jakobo, bošego bjo bongwe, le a tseba, o tlogetše Labane, gomme o be a le tseleng ya gagwe go ya godimo. Thlhogelo e ttile ka pelong ya gagwe go etela nagalegaae ya gagwe. Gomme bjale re hwetša gore o be a boifa. O be a se... O be a boifa go kopana le ngwanaboo. Kafao o tsene fase tabeng, pele a tshela Jorodane, gomme o rapetše bošego bjhohle. Gomme o katane le Morena, a katana bošego bjhohle. Oo, o rile, "Nka se go tlogele wa tloga."

<sup>181</sup> Ke rata seo. Swarelela go Yena. Nnete. Dula bošego bjhohle le Yena. Andrea o dirile. Dula bošego bjhohle le Yena.

<sup>182</sup> Gomme o katane le Morongwa, bošego bjhohle. Gomme Morongwa o rile, "Go tla seetša sa letsatši. Ke swanetše go tloga."

<sup>183</sup> O rile, "Ke tla no se go dumelele wa tloga. Ke nyaka se sengwe ka go nna seo se fapanago. Ke nyaka se sengwe ka go nna seo se tla mphetolago."

<sup>184</sup> Gomme le ela hloko, ka pela ge Morena a mo šegofaditše, tšhegofatšo ye a e kgopetšego, o be a loketše nako yeo go tshela noka le go ya go bona ngwanaboo. Le a bona? Ka baka la eng? O katane bošego bjhohle. O dutše le—o dutše le... le Modimo, bošego bjhohle botelele, gomme a katana le Modimo.

<sup>185</sup> Bjale, ge nkabe a nno re, "Hei, ntlogele ke nnoši bjale. Ke lapile." Le a bona? Tšhegofatšo e ka be e se ya tsoge ya tla. Le a bona? A ka be a se a ke—a ka be a se a ba kua. Le a bona?

<sup>186</sup> Eupša o dutše bošego bjhohle. Le a bona? O katane le Yena bošego bjhohle, morago o be a loketše go kopana le ngwanaboo mosong wo o latelago.

Dafida yo monnyane, nako ye nngwe....

<sup>187</sup> Le a bona, selo sa pele, o swanetše go kgodišega. Morago, selo sa go latela, o amega ka morago ga ge o kgodišegile. Bjale, Jakobo o tsebile. (Ke gore ke ya go Dafida.) Jakobo o tsebile gore Modimo yo a mo arogantšego go tloga go ngwanaboo, Modimo yo a mo romilego godimo ka go naga ye nngwe gomme o bile le yena, le go mo šegofatša le go mo fa tšohle a bilego le tšona; gomme o mo diretše tshepišo, gore O tla mo hlokromela, a mo atiša, ge a ka ya morago go naga ya gabon mong. O tsebile, ge a ka kgonaa feela go kgokagana le Modimo yola, gona o tla amega, kafao o dirile. Go lokile.

<sup>188</sup> Bjale, Dafida, letšatši le lengwe o ttile godimo go tliša dikuku tsoko—tsoko tša mogo, le phae ye itšego ya diterebe tatagwe a bego a e lokišitše. Isai o be a di rometše ka Dafida. O be a le mošemanee yo monnyane, gomme bana babo ba be ba le ntweng godimo kua le Israele. Gomme Bafulisita ba be ba ba tetile, gomme ba ba išitše ka thoko ga thaba, gomme Bafulisita ka lehlakoreng le lengwe. Gomme Dafida yo monnyane wa kgale o ttile a apere jase ya gagwe ye nnyane ya modiši, seragamabje

se tatalwe gomme ka potleng ya gagwe goba felotsoko. Gomme—gomme a sepelela godimo kua, gomme a kwa mo—mo mororo wo mogolo wa kgale o tšwela ka ntle ga tšitširipa godimo kua, a hlohlala madira a Modimo yo a phelago.

<sup>189</sup> Gabotse, seo se no ba mohuta wa go ferekanya Dafida. Le a bona? Bjale, Dafida o sepeletše godimo go Saulo, gomme o boditše Saulo. Ka morago ga ge ditaba di fihlile tikologong, se a se boletšego, o tla ya go lwa le yena. O ile godimo go Saulo. Gomme Saulo o rile, “Gabotse, ga o selo eupša mošemane. Gomme o no ba mošemane yo monnyane yo mohubedu. Gomme ke yo mogolo go go feta, o bile mohlabani ge e sa le bosweng bja gagwe. O ka tsoge wa kgona bjang go lwa le monna wa go swana le yola?”

<sup>190</sup> Bjale šetšang. Dafida, pele, o be a kgodišegile. Amene. O be a kgodišegile, morago o be a amega ka banababo. Ge ba be ba le ba bakheri go mo lwantšha, o be a tla dira. Amene.

<sup>191</sup> Ke lena bao. Woo ke mohuta wa Mokriste. Ge ka moka ga bona ba ka se e dire, a re e direng. Amene. A re. Ge eba ke swanetše go ema ke nnoši, go ema fale. Biletša ntle, go nepa le phošo. E bolele ntle fale. E bolele, ga go kgathale se e ka ba mang a se bolelago ka wena. Ema go Lentšu la Modimo gomme o re Le lokile. Dula le Lona. Oo, a nako!

Dafida o be a kgodišegile. O tsebile Modimo o be a le kgonthé.

<sup>192</sup> Kafao Saulo a ka be a boletše se sengwe boka se, “Morwa, ke kgahlwa ke sebete sa gago. Eupša, wena, ga o thaka ya monna yola.” Le a bona, ba be ba lebeletše bokantle.

<sup>193</sup> Eupša Dafida o ile a kgodišega. O rile, “Theetša. Letšatši le lengwe,” o rile, “mohlanka wa gago mo o be a dišitše dinku tša tatagwe.” Gomme o rile, “Tau e tlile ka gare, gomme ya swara ye nngwe ya dikwana, ya tloga le yona.” Gomme o rile, “Mohlanka wa gago o ile ka morago ga gagwe, gomme ke mo rathetše fase, ka seragamabje. Bjale o tabogetše godimo go nna, gomme ke mo swere ka ditedu gomme ka mmolaya.”

<sup>194</sup> O rile, “Ka gona letšatši le lengwe phoofofolo ye nngwe, bera, ya tla ka gare gomme ya tsea e tee, ya tloga. Gomme ke—ke mmolaile. Ke kgodišegile gore Modimo yo a kgonnego go ntłhakodiša marofeng a tau, go tšwa marofeng a bera, ke bontši gakaakang A tla ntłhakodišago go lela la go ikgantšha, lešoboro la Mofilisita ntle fale?” Ee, mohlomphegi. “Ke bontši gakaakang A tla e dirago? Ke kgodišegile gore ke nnete. Gomme banešu ga ba ne sebete go lwa. Yeo ke nnete. Eupša ke amega ka madira a Modimo yo a phelago. Ke a amega, go ba bona morago godimo go ditaba tše.” Amene.

<sup>195</sup> A ke boletše se sengwe? Go lokile. Ee, mohlomphegi. Ke a amega gore ba morago godimo go taba ya Modimo, ba bolela, gore, “Jesu Kriste ga a swane maabane, lehono, le go ya go ile.”

Ke amega ka bona ba katakata, le go re, "Bokgethwa ga se bja ka kerekeng. Ga go selo se sebjalo bjalo ka tlhwekišo ya Moya." Ke a amega ka bona ba re, "Matšatši a mehlolo a fetile." Bothata ke eng ka bona? Bothata ke eng? Re a amega.

<sup>196</sup> Ge ba boifa go e dira, re bile le boitemogelo ntle mo. Re kopane le diabolo. Yeo ke nnete. Gomme Modimo yoo a kgonago go fenza diabolo mo bophelong bja ka, le go tšollela ka go nna kolobetšo ya Moya wo Mokgethwa, o kgona—kgona go bolaya diabolo yola wa lešoboro ntle kua, yo a lekago go emelana le madira a Modimo yo a phelago. Amene.

<sup>197</sup> Dafida o be a amegile. Gobaneng? O be a kgodišegile gore Modimo o be a le Modimo. O ile a kgodišega gore Modimo yo a kgonnego go mo tšeа le seragamabje sela le go bolaya tau, o be a ka kgona gape go tšeа lela la go ikgantšha, lešoboro la Mofilisita ka tlase ga taolo. A ga o kgone go bona seo, mogwera?

<sup>198</sup> Modimo yo a kgonago go tlatša monna ka Moya wo Mokgethwa, a A ka se kgone go fodiša monna goba mosadi, yo a lekago go ganetša Mokriste? Oo, ka kgonthe A ka kgona. Pelo ye e swerwego ke tlala yeo e nyakago go tseba Modimo, Modimo yo a fentšego diabolo le go mo lelekela ka ntle ga bophelo bja ka, le go bea Kriste ka kua, a A ka se kgone go e direla monna yola le yena? Nnete. Modimo yo a kgonago go tšeа ditumo tša lefase go tloga go wena, a A ka se kgone gape go tšeа ditlhologelo tša lefase go tloga go monna wa go latela? Nnete, O ka kgona. Le a bona, selo sa yona ke, o swanetše go kgodišega, gomme ka gona o ka kgona go amega ka morago ga ge o e dira.

<sup>199</sup> Godimo ka go Baahlodi re hwetša moahlodi wa boraro. Ba bantši ba lena ga se ba ke ba e bala. Leina la gagwe ke Samogara. Ye nnyane ya nthathana, temana e tee e ngwadilwe ka yena, ka tlase ga matlakala a—a Beibele, ka go Beibele ya ka ya Scofield mo. Gomme Samogara, o be a le mo—mo Moisraele.

<sup>200</sup> Gomme nakong ya baahlodi, Bafilisita ba be ba dumeletše bohole ba Baisraele go bjala mabele a bona. Gomme ba be ba tla dira eng? Ba be ba tla tla godimo, ba matšhetša ka gare, morago ga ge ba šomile selemo sohle, ba tšeа puno ya bona go tloga go bona, ba ya thwi morago.

<sup>201</sup> Letšatši le lengwe, Samogara yo monnyane ntle kua, o be a eme, o bile le ntlopolokelo ya gagwe, a dira go fola ga gagwe gohle go dirilwe, a na le korong ya gagwe e letše godimo. Gomme go molaleng mosadimogatša wa gagwe yo monnyane, mohuta wa mankgeretla, digotlane tša gagwe tše nnyane, le a tseba, thama ye tshehla. Ba be a swanetše go phela go notlega kudu, ka gore, ngwaga pele, Bafilisita ba tšere se sengwe le se sengwe. Ba be ba no swanela go budutša tikologong, go hwetša se ba bego ba ka se kgona. Gomme ba be ba le fao ka seemong seo.

<sup>202</sup> Gomme e ka ba ka nako Samogara a bilego le se sengwe le se sengwe se beilwe ka lenaneo bakeng sa marega, o kwele lešata.

O lebeletše ntle ka lefastere. Go tla eng? Fa go tla Bafilisita ba makgolotshela, bohle ka ditlhamo: marumo, ditšoša di lekeletše mahlakoreng a bona, dikokorokoro di ka ba bokoto bja intši, bja mphiri; ye kgolo, bogolo, e apešitšwe godimo ka mokgwa *wo*, ka tshipi, le dijase tša tshipi, bjalo ka ge ba e bitša. Šeba ba be ba le. “Phašaka, phašaka, phašaka.” Golokile, go matšetša thwi godimo. Eng? Go tsea se a bilego le sona. Yeo ke yona. Le atseba ke eng? Samogara, ke kgona go no eleletša, o lebeletš morago go lapa la gagwe. O lebeletše ntle kua go bona Bafilisita.

<sup>203</sup> Morago o lebeletše godimo go leba Legodimong. O naganne, “Ke nna Mojuda. Ke ka go kgwerano. Modimo wa Abraham, Isaka, le Jakobo, tate wa ka, ke Modimo wa ka. Ke boloditšwe. Ga se nna molwi. Ga ke tsebe selo ka tšoša. Eupša ke amega ka lapa la ka. Ke kgodišegile gore O Modimo.” Haleluya! Yeo ke yona.

<sup>204</sup> E sego go goeleša, “Hei, Mna. Mofilisita, leta go fihla ke hwetše Grata ya ka ya Bokgaboo, le a tseba, ya ka Ph. D. Ke tla ithuta mokgwa wa go lwa.” Aowa. Ga o na le nako ya seo. E no tseba gore Yena ke Modimo. Yeo ke phetho.

<sup>205</sup> O rile, “Ke a tseba gore Yena ke Modimo. Ke kgodišegile gore Yena ke Modimo. Ke a tseba gore ke Mojuda. Ke a tseba ke ka go kgwerano. Ke a tseba ke boloditšwe.” Oo, nna!

<sup>206</sup> Lehono re boloditšwe ka lebollo le legolwane go feta leo. Re boloditšwe ke Moya wo Mokgethwa, ge lefase lohle le ripilwe go tloga go wena. A o ka go kgwerano? A o Mokriste? A o tladišwe ka Moya wo Mokgethwa? A o boloditšwe ka Moya wo Mokgethwa? Gona, ngwanešu, tshepišo ye nngwe le ye nngwe ka Beibeleng ke ya gago. Amene.

<sup>207</sup> Modimo o na le mogau fao go le dira lena basadi le hwetše moriri wa lena wo motelele. O na le mogau ka kua go dira lena banna go bona gore o a e dira. O na le mogau ka kua bakeng sa dilo tšohle tše. O ne mogau ka fale bakeng sa phodišo ya gago. Nnete. Yena ke Modimo.

<sup>208</sup> Ge e se yona, re bapala ka eng, re ya pele ka eng? Re mphiri wo o llago le moropa wo o llago, le go ba “letswai le le lahlegetšwego ke tatso ya lona.” Nnete.

<sup>209</sup> Re pentecostal, goba a re bona? Selo sa go latela, ge re le mapentecostal, a re beng pentecostal. Ge Molaetša o lokile, tsena ka go Wona. Ge O se, etšwa go Wona gomme o hwetše mo go lokilego. Nnete. Ge Modimo e le Modimo, direlang Yena. “Eupša le ka se kgone go direla Modimo le mamona ka nako ya go swana.” A re direleng Modimo. Kgodišega, gomme ka gona o tla amega. Gona kereke ka kgonthe e tla ya go goleng, gobane le tla ya ntle le go hwetše yo mongwe le yo mongwe le kgonago go ba tliša ka gare.

<sup>210</sup> Eupša ge feela o no ya go dikologa, o re, “Gabotse, woo ke mošomo wa moreri.” Ga se mošomo wa moreri. Ke mošomo wa

yo mongwe le yo mongwe. Nnete. Mokriste yo mongwe le yo mongwe a tswetšwego gape o ne Moya wola wa go swana ka go bona. Moreri a ka no ba a filwe, eupša yeo e no ba mpho ya Moya wo Mokgethwa, e sego Moya wo Mokgethwa; mpho ya Moya wo Mokgethwa.

<sup>211</sup> Bareri ba biditšwe. Baprofeta, le barutiši, le baebangedi, le badiša, le go ya pele, ba amogela Moya wo Mokgethwa, gomme morago mpho go dira dilo tše ka yona.

<sup>212</sup> Eupša Modimo ga a ne bana e ka ba bafe ba bannyane nthathana goba bana ba bagolo bogolo. Bohle ke bana, go Yena. Yeo ke nnete tlwa. Gomme maemo a gago a maleba a dutše thwi bjale ka mafelong a Magodimong ka go Kriste Jesu, ka maatla a mangwe le a mangwe.

<sup>213</sup> O re, “Ngwanešu Branham, ke nna yo monyennyane ka kerekeng. Ke no ba moisa yo monnyane wa nthathana.”

<sup>214</sup> Eupša, elelwang, ge A rotogetše Godimo, le a bona, le tsošitšwe le Yena. Le ka Mmeleng. Gomme le na le Kriste thwi bjale, le dutše ka mafelong a Magodimong. Ge o le letlalo godimo ga botlase bja maoto, diabolo yo mongwe le yo mongwe o ka tlase ga gago. Yeo ke nnete. Nnete tlwa. Kereke! Moo hlogo e lego, mmele o ne yona. Gomme ge re bolokilwe, re hwile, re bolokilwe ka go Kriste, gona re tsošitšwe le Yena ka tsogong ya Gagwe, le go dula ka mafelong a Magodimong ka go Kriste Jesu, ka mollo wo mongwe le wo mongwe wa hele ka tlase ga rena. Amene. Nnete. Ga go kgathale o yo monnyane gakaakang, diabolo yo mongwe le yo mongwe o ka tlase ga gago. Gobaneng? Mofenyi wa rena yo mogolo o fentše sebe se sengwe le se sengwe, se sengwe le se sengwe, bolwetši bjo bongwe le bjo bongwe, se sengwe le se sengwe . . . le lehu ka bolona. Yeo ke nnete. Re feta le bafenyi ka go Ŷena. Selo se nnoši, re dutše le Yena ka Teroneng ya Gagwe, re lebeletše go Yena ge A lebelela godimo, Tate. Yeo ke yona. E gona. Go lokile.

<sup>215</sup> Samogara o be a hweditše go lekanelo ga sona. O rile, “Ke kgodišegile gore Yena ke Modimo. Ke amega ka lapa la ka.” A le tseba se a se dirilego? O tšere lehlotlo, gomme a tabogela ntle kua gare ga tsela, gomme a bolaya Bafilisita ba makgolotshela.

<sup>216</sup> Le tseba se lehlotlo le lego? Gobaneng, ke lepara, e ka ba, oo, ke a thanka, e ka ba tše tshela-, tše šupa dikgato botelele, mohlomongwe e sego botelele bjoo, ka seripana se sennyane sa mphiri mo mafelelong a lona, goba se sengwe, goba tshipi. Gomme ge mogoma o kitelane, nako ye nngwe ba gopa mogoma ka lona, ka mokgwa *woo*, gomme morago ba tsetsemetsa poo ka lehlotlo, ka mokgwa *woo*, “Itlhaganele! Hlaganele pele! Taboga mmogo.”

<sup>217</sup> Ka mokgwa *woo*, ka lepara ka seatleng sa gagwe. Gomme, yena, a se a apara selo eupša feela dioborolo tše gagwe. E be e le diaparo tše go lema. Gomme mo Bafilisita ba ba be ba apere

sekokoro le tlhamo, ka lerumo. Gomme Mojuda yola yo motee yo monnyane, ga se a no rakelela, eupša o bolaile. Amene. Lepara lela le swareletše bjang? Go tula ga mathomo go kgabaganya hlogo ya Mofilisita ka tlhamo godimo, e ka ba ka mokgwa *wola*, lehlotlo lela le ile ka diripa tše masometlhano. Eupša o ketotše o tee ka tsela e tee, gomme o tee ka ye nngwe, ka mokgwa woo, go fihlela a rathile sehlopha ka moka sa bona tlase le go ba bolaya. Gobaneng? Gobane o be a kgodišegile. Amene. O be a amega.

<sup>218</sup> Monna o tla lwela lapa la gagwe ka mokgwa woo, ka tlase ga maemo ka mokgwa woo, kereke ya Modimo wa go phela e swanetše go lwa ka eng, ka kolobetšo? Samogara o be a na le lehlotlo. O na le kolobetšo, Moya wo Mokgethwa. Oo, mna!

<sup>219</sup> Ga re nyake diiri tše nne bošegong bjo, kafao bokaone re sepele mmogo. Go lokile. Ee, mohlomphegi.

<sup>220</sup> Abraham, le tseba se a se dirilego? O thabišitše, letšatši le lengwe. ke a lebala, e ka ba ya 16, ya 17, aowa, e ka ba tema ya 19, ke a thank, ya Genesi. O thabišitše, letšatši le lengwe, sehlopha sa Banna, go fihla a kgodišegile ka go tsenelela Ba be ba le Bomang. O phagamišeditše mahlo a gagwe godimo ge a be a dutše ntle kua ka tlase ga tente. O bone Banna ba bararo ba etla; diaparo tša lerole. O ba lebeletše. O be a . . .

<sup>221</sup> Maikutlo a mannyane a go se tlwaelege a tlie godimo ga gagwe, gore bona Banna ba be ba fapano gannyane go tloga go banna ba bangwe, kafao o kitimetše ntle go Bona. O rile, “A O ka le ka se fapogege kgauswi, gomme wa dula fase ka tlase ga moouko, gomme,” o rile, “gomme tšeä go khutša go gonnnyane? Gomme ke tla Go gela meetse a mannyane. Gomme ke tla hlapiša maoto a Gago. Gomme—gomme ke tla Go fa seripa sa borotho. Gomme ka gona O itapolose Wenamong, morago O ka kgona go ya leetong la Gago.” Le a bona?

<sup>222</sup> E be e le eng? O be a sa ye go dumelala sebakabotse go feta kgauswi. Le se ke la e dira bošegong bjo, le lena. Le a bona? O be a eya go swara sebakabotse seo.

<sup>223</sup> Bjale, o rile, “O dutše thwi fa bjale, gomme ke tla ya ka gare le go tliša meetse.” O hlatswitše maoto a Bona, le a tseba, a šeditše. O rile, “Ke nyakile go ba phosithifi ke nepile.” O ile godimo go Moisa wa go latela, a Mo lebelela godimo, le a tseba, gomme a hlapiša maoto a Gagwe, a thinthia lerole go tloga diaparong tša Gagwe.

<sup>224</sup> O boditše Sarah, o rile, “Bjale, bea borotho tsoko komana, thwi ka pela.” Gomme o boditše bahlanka, o rile, “Hwetšang namane yela yeo ke sa tšwago go e bolaya.” O rile, “Dirang digoba tše dingwe. Gomme bjale re ya go fepa Banna ba.”

<sup>225</sup> O tšwetšepele a hlatswa. O rile, “Bjale, ke ne kgonthe gabotse. Gabotse ke ne kgonthe.” Gomme kafao gona morago ga nakwana . . .

E ile pele, lebakana le lennyane. Ba dutše fase le go ja.

<sup>226</sup> Mohlomongwe, ge ba loketše, morago ga go fetša go ja, ba tšwetšepele ba lebeletše go lebanya Sodoma. Gomme ka morago ga lebakana, yo Motee wa Bona o boletše ntle gomme a re, "Abraham." E sego Abram bjale. Feela matšatši a se makae pele, Modimo o fetotše leina la gagwe. "Abraham, Sarah o kae?" E sego S-a-r-r-a; eupša S-a-r-a-h, Sarah. "Sarah o kae, mosadimogatša wa gago?"

<sup>227</sup> O tsebile bjang leina la gagwe e be e le Abraham? O tsebile bjang o be a nyetše? O tsebile bjang gore o be a na le mosadimogatša? O tsebile bjang gore leina la gagwe e be e le Sarah? Gomme O tsebile bjang le be le fetogile go tloga go Sarai go ya go Sarah, gomme yena go tloga go Abram go ya go Abraham?

<sup>228</sup> Abraham o rile, "Oo, nna! Aa! Yoo o swanetše go ba... Ke Mmone ka Moyeng, eupša yo e swanetše go ba Yena." O... Gomme Abraham o rile, "O ka tenteng." Gomme Beibele e boletše gore Monna o bile le mokokotlo wa Gagwe o furaletše tente. O rile, "O ka tenteng, morago, ka morago ga Gago fale."

<sup>229</sup> O rile, "Abraham, Ke ya go go etela go ya ka nako ya bophelo. O letile lebaka la mengwaga ye masomepedi tlhano bjale, bakeng sa se. O bogolo bja mengwaga ye masomesenyane, goba bogolo bja mengwaga ye lekgolo, gomme o masomesenyane. Gomme bjale re... Nna, Ke ya go go etela bjale, le go tliša. O ya go ba le ngwana yo, yo Ke go tshepišitšego." Oo! "Nna" ke lešalašala. "Ke go tshepišitše."

Abraham o rile, "Ke a tseba go bjalo bjale. Ke a e tseba."

<sup>230</sup> Eupša Sarah, morago ka kamoreng, o be a sa kwešiše. O rile, "Huh!" O segile, o rile, "Nna, mokgekolo fa, go nyakile go ba bogolo bja mengwaga ye lekgolo, ke tla ba le boipshino le morena wa ka, gomme," o rile, "yena a tšofetše le yena? Re ka tsoge ra ba bjang bjalo ka lapa gape?" O rile, "Re ka se kgone go dira seo." O rile, "E no se kgone go direga." Gomme o segile ka teng ga gagwemong.

<sup>231</sup> Gomme Monna, ka magetla a Gagwe a šotoloquentše tente, o rile, "Gobaneng Sarah a segile, a bolela gore selo se se ka se kgone go dirwa?"

<sup>232</sup> Ka gona Abraham o tsebile. Ka gona Abraham o tsebile. Ka gona Sarah o tsebile. Gomme o tlie pele, a roromela, o rile, "Ga se ka tsoge ka re..."

O rile, "Ee, o e boletše."

<sup>233</sup> Oo, ka gona Abraham o ile a kgodišega gore e be e le Modimo. O Mmiditše, "Morena," tlhakakgolo M-o-r-e-n-a, e lego Elohim. E sego feela nonwane; O be a le Modimo. O be a dutše fale. O rile, "Oo!" O be a kgodišegile ka go tsenelela gore Yoo e be e le Modimo.

Kafao, O be a eya tlase Sodoma.

<sup>234</sup> Gomme o dirile eng? Ka gona o ile a amega ka ngwanabo yo a lahlegilego tlase ka Sodoma. Thwi ka pela, ge a bone se se bego se eya go direga, o rile, “Ge nka hwetša banna ba masometlhano tlase fale bao—bao ba lokilego, a O tla—a O tla e šokela? Masomenne?” Gomme go theoga go ya go, “Lesome.” Le a bona? O be a amegile ka ngwanabo.

<sup>235</sup> Yeo ke yona, ngwanešu. Re amega ka ngwanešu wa rena ge re kgodišegile gore ke Modimo. Gomme ge rena batho ba pentecostal re kgodišegile yo ke Modimo, gona re tla amega ka baena ba rena. Yeo ke nnete. Gomme re dira o ka re ga se ra kgodišega ka bottlalo. Gomme dinako tše dingwe ge re rapelela balwetsi, bolwetsi bo no tšwelapele bo eya, o re, “Gabotse, ga—ga ke tsebe. Nthapelele gape.” Pele, morago le pele, re dira mo o ka rego ga ra kgodišega ka go tsenelela gore Modimo o boloka tshepišo ya Gagwe.

<sup>236</sup> Modimo o boloka tshepišo ya Gagwe, ngwanešu. Nnete, O a dira. Ge e le—e se Modimo, ge e se tshepišo ya Modimo, gona ga A swanela go e boloka. Eupša ge e le tshepišo ya Gagwe, O swanetše go e boloka, gore a be Modimo. Ga go selo sa phošo ka Modimo; se na le wena le nna.

<sup>237</sup> Modimo o tshepišitše, ka matšatšing a mafelelo, se A tla se dirago, ka fao A tla iponagatšago ka Boyena ka matšatšing a mafelelo. Jesu o rile, ka go Mokgethwa Johane 14:12, “Yo a dumelago go Nna, mediro yeo Ke e dirago o tla e dira le yena.”

<sup>238</sup> Ge Filipi a etla godimo kua, gomme pele ga Jesu, gomme o bone dilo tše di direga, o kitimile gomme a tše Nathaniele.

<sup>239</sup> Nathaniele o tlie godimo. Ge Nathaniele a tlie godimo ka Bogoneng bja Gagwe, o be a kgodišegile ka go tsenelela, ee, mohlomphegi, ge A rile, “Ke go bone ge o be o le ka tlase ga mohlare wa mogo.”

<sup>240</sup> O be a kgodišegile gore yoo e be e le Mesia. O rile, “Wena o Morwa wa Modimo. Ke a tseba.”

<sup>241</sup> Mosadi mo sedibeng, o be a kgodišegile ka go tsenelela ge A mmoditše o bile le bannabagatša ba bahlano ka nako yeo. O be a kgodišegile. Gomme o be a se a kgodišega feela, eupša o be a amega. O kitimetše ka toropongkgolo gomme a re, “Etlang, bonang Monna yo a mpoditšego dilo tše ke di dirilego. A yo ga se Mesia?” Le a bona? O be a kgodišegile ka go tsenelela, a dumela, o tsebile gore e be e le therešo.

O Modimo, eba le kgaogelo go rena.

<sup>242</sup> Re swanetše go dula le Yena go fihla re kgodišegile, yeo ke nnete, go tseba ge eba Ke nnete, morago re bone tshepišo ya Gagwe e dirwa go phela magareng ga rena. Re tla amega. Ge re ka no tše Puku ya Modimo fa, gomme ra re, “O tshepišitše go e dira,” gomme ka gona ra dula go fihla re kgodišegile gore

Yena ke Modimo wa Lentšu le, go Mmona a iponagatša ka Boyena ka go Lentšu lela, go dira Lentšu lela le phele, gore le amogetše tshepišo ka fa: “Ge le dula ka go Nna, gomme Mantšu a Ka . . .” E sego feela le tee la Ona; ohle a Ona. “ . . . gomme Mantšu a Ka a dula ka go lena, gona le kgopele se le se ratago, gomme se tla direlwa lena.” Yeo ke nnete. Le a bona? E swanetše. . .

<sup>243</sup> E sego feela lehono; bošegong bjo le gosasa, go e belaele. O e lahlela ntle gosasa, gomme wa re, “Gabotse, ke a go botša. Ga—ga ke tsebe ge eba Ke nnete goba aowa. E ka no ba e bile ya yo mongwe; ga ke tsebe ka nna.” Gona, le a bona, ga e dule. E ile. Le a bona? Dinonyana di tlide kgauswi le go e topa, dinonyana tša moyeng.

<sup>244</sup> Eupša ge e wela godimo go feta go fa mabaka mo go itšego, dipelaelo, goba eng kapa eng gape, e tla tliša pele makgolo a go menagana. Go amega!

<sup>245</sup> E a nkogpotša. Ke no ba le Mangwalo a mmalwa gape fa ke nyakago go bolela ka ona, eupša ke ya go ema mo motsotsong, go bolela se. Ke bone letšatši le lengwe, khathune ye nnyane ka pampiring. Ke nyaka go fetša, ka go bolela se. Yeo e nteilego. Gomme e be e le ka—ka khathune, e itlhaotše kudu.

<sup>246</sup> Go be go le mošemane yo monnyane. O be a apere gabotse Lamorena mosong, a le komana bakeng sekolo sa Lamorena. Moriri wa gagwe wo monnyane o kamilwe, le kefa ya gagwe ka seatleng sa gagwe. A šetše a hlapile sefahlego sa gagwe. Gomme o bile le difihlolo tša gagwe le go ja se sengwe, le go hlohla meno a gagwe, le go ba komana go ya sekolong sa Lamorena. Gomme o be a eme mojako wa kamora ya malao ya tatagwe le mmagwe ba ba robetšego, a kokota lebating, a re, “Ke mang wa lena bohole a yago go nkitša sekolong sa Lamorena?” Go amega. Yeo ke yona. Yeo e no ba yona, bagwera. Go amega.

<sup>247</sup> A le a lemoga gore boikarabelo bja toropokgolo ye ya Tempe mo, ke a dumela, bo dutše godimo ga magetla a gago? Ke a dumela gore Modimo o le dirile ntloseetša, yo mongwe le yo mongwe wa lena. Wena, o na le boikarabelo bja dibe tša toropokgolo ye, bo dutše godimo ga badiredi, godimo ga batho ba kereke, baeti, ge re eta go kgabola. A ga le dumele seo? [Phuthego e re, “Amene.”—Mor.] Go lokile.

<sup>248</sup> Eng? Ga o boife. Ka nnete ga o boife go tsea Modimo Lentšung la Gagwe. Modimo o boloka Lentšu la Gagwe. Modimo ga se Modimo go bolela gore Yena ke selo se tee, gomme morago se sengwe. Le a bona? Ge—ge A tshepiša e ka ba eng, selo seo O tla se dira. Modimo o boloka Lentšu la Gagwe. A le dumela seo? [Phuthego e re, “Amene.”—Mor.]

<sup>249</sup> A ga le dumele gore Jesu wa go swana yo a tsošitšwego go tšwa lebitleng, o tlide morago ka sebopego sa Moya wo Mokgethwa gomme o ka go rena bjale? [Phuthego e re, “Amene.”—Mor.] “Lebakana le lennyane gomme lefase ga le sa

Mpona gape, efela lena le tla Mpona. Le tla Mpona, le a bona, gobane Ke tla ba le lena, ebile ka go lena, le a bona, go fihla bofelong bja phelelo. Go fihla bofelong bja lefase, Ke tla ba thwi le lena. Nka se tsoge ka le tlogela goba go le lahla. Bonang, Ke na le lena ka mehla, ebile go fihla bofelong bja lefase. Le a bona? Lefase le ka se e bone, eupša le tla e bona.” Lefase ga le e dumele. Ke lena le le tee. Bao . . . Bao ba e dumelago ke bona ba e amogelago. Yeo ke therešo.

<sup>250</sup> Oo, bjale, bagwera, sephiri sese. Sese selo ke nyakago le se tseba.

<sup>251</sup> Ke—ke thabile kudu go tla go bolela le lena bošegong bjo. Le batheeletši ba bakaone kudu. Ke thabile kudu go ba ka kerekeng ya Ngwanešu Groomer fa. Ke a bona, ke a dumela o be o le ramatlotlotlo nako ye nngwe, goba se sengwe gape, ka go ye nngwe ya dikopano tša rena, goba se sengwe gape, o hlokomela mongwaledi, ramatlotlotlo, le go ya pele. Ka—ka mehla ke be ke nyaka go tla kerekeng ya gagwe ye nnyane. O nkgopetše, tšona—tšona dinako, “Ngwanešu Branham, etla godimo gomme o re bolelele.”

<sup>252</sup> Go ne sehlopha se sengwe sa batho seo ke ratago go fihla go sona, bao ke Maindia a godimo fa, feela godimo fa, Moindia wa na—na Navajo goba Apache, batho ba bohlokwa. Ke elelwa tšona dikopano godimo kua, ka fao re bilego le tšona. Gomme e ka ba kae ke lego, ke sa ntše ke kgona go elelwa dikopano tše tša go ratega tikologong fa le batho bale. Gomme ke . . .

<sup>253</sup> Molaetša wa go swana wo ke o rerilego mathomong, ke sa na le selo sa go swana. Ke sa eme ka tsela ya go swana. Ke Modimo, mogwera. Ke kgodišegile ka go tsenelela gore tsela ye ya Moya wo Mokgethwa ke Modimo. Bjale, yeo ke Therešo. Ke E dumela ka pelo ya ka yohle, bjale. Gomme ge re . . .

<sup>254</sup> O swanetše go kgodišega. Ge o sa dire, gona ga o amege.

<sup>255</sup> Bjale, ge ke be ke sa amege, goba ke kgodišegile gore tsela ya Moya wo Mokgethwa e be e lokile, Nkabe ke sa le ka kerekeng ya Baptist, gobane ke bona sehlopha se sekaone sa baena godimo ka go kereke yela ya Baptist. Ee, mohlomphegi. Bona baena ba Boromiwa ke baena ba bakaone, ba bangwe ba bona. Eupša ke a ba rata go le bjalo.

<sup>256</sup> Gomme ke kgodišegile ka go tsenelela, go le bjalo, gore, kereke, ke nako go kereke go kolobetšwa ka Moya wo Mokgethwa, yoo ke Kriste a etla ka go wena, a itira Yenamong go tsebjia ka mehlolo. Bjale, ma—ma Mabaptist ba dumela seo le bona, gomme bontšintši dikereke tšohle ntle le Katoliki.

<sup>257</sup> Mokatoliki o tše senkgwana sela se sennyane, le a tseba, ka gore, “Modimo a le ka go senkgwana sela.” Bošego bjo bongwe ke ya go rera ka seo, le a tseba, *Bohetene Kgahlanong le Bokriste*, ge Morena a rata, kafao, ka ga “senkgwana se go beng Modimo.”

<sup>258</sup> Kafao, bjale, ke—ke a dumela gore Maprotestant ohle a a dumela, ka go mosepelo wo mogolo wa boebangedi woo—woo—woo ka kgonthe o tswetšwego ka Moya wa Modimo, goba o nago le Modimo e ka ba ofe ka bona, ba a tseba Moya wo Mokgethwa o a tla, eupša ga ba bolele gore Yena, ge A etla, gore... “O fetotše tlhago ya gagwe,” ba bonala go ba; ba bonala ba nagana, “Gabotse, O no kgotlelala lefase, gomme batho ba ka kgona go ya thwi pele ba phela ka tsela ye ka mehla ba, le a tseba, ba no ya kerekeng gomme o leke go ba moisa wa go loka, dira bokaonekaone o kgonago.” Yeo ga se yona, bagwera.

<sup>259</sup> Ge Moya wo Mokgethwa o etla ka go wena, O go dira sebopiwa se seswa. Ee, mohlomphegi. O go dira sebopiwa se seswa. Gomme O ipea Yenamong ka gare ga gago, gomme wena o modingwana wa Gagwe. Wena, O phela ka gare ga gago, a šoma, a sepediša tsela ya Gagwe mong ka go wena.

<sup>260</sup> Bjale, ke badile Testamente ya Kgale pele, gomme ke bone se Modimo a bego a le ka go Testamente ya Kgale ka baprofeta bale. Ke tla godimo go Testamente ye Mpsha, gomme ke tšere Testamente ye Mpsha. Ke hweditše, Modimo wa go swana wa Testamente ya Kgale gape o be a le Modimo wa go swana wa Testamente ye Mpsha.

<sup>261</sup> Ka gona ke tšere go tloga go Testamente ye Mpsha, go theoga go ya go go kgatlofatša kereke ya pele ya Katoliki, e bego e ka ba mengwaga ye makgolotharo, ka go Khansele ya Nicaea ge dipišopo di tšeа leina la Mopapa le kereke ya Roma, gomme ye e tšerego lehlakore la thutaelo. Gomme Orthodox Katoliki e dumetše Beibele gomme ya tšwelapele. Eupsa kereke ya Roma e tšere taolo le—le lehlakore la thutaelo, gomme ba sa e dira lehono. Gomme—gomme kafao gona, ka fale, ba lahlegetšwe ke mehlolo le maswao. Seo se ile tlase lebaka la makgolo a mengwaga, go fihlela mpshafatšo.

<sup>262</sup> Morago mpshafatšo ya tla pele. Fao go tlie Martin Luther le John Wesley, ke a dumela, barongwa ba mabaka a kereke, bjalo ka ge re fetile go kgabola lebaka la Filadelifia le—le lebaka la Thiathira.

<sup>263</sup> Gomme bjale tlase ka go lebaka la kereke ya Laodikia. Gomme ponagalo ya go šokiša kudukudu ya yona yohle ke lebaka lela la kereke ya Laodikia, gobane Kriste o beilwe ka ntle ga kereke ya Gagwe, gomme o be a kokota, a leka go tla morago bokagare bja yona. Yeo ke nnene. Ee. Yeo ke nnene. Kereke yeo re tsenago ka go yona, go leka go tla morago ka morago ga ge A ntšheditšwe ntle.

<sup>264</sup> Oo, ngwanešu, kgaetšedi, ka fao A nyakago go tsena magareng ga kereke ya Gagwe! Ka fao A nyakago go sepela magareng ga bona! Ka fao A nyakago go itlhagiša Yenamong go—go lefase! A ka kgona feela go e dira ge A šomiša wena le nna.

<sup>265</sup> Ba tsebile bjang gore yola e be e le Mesia? Mosadi mo sedibeng o tsebile bjang yola e be e le Mesia? Ge A mmoditše gore o bile le bannabagatša ba bahlano. Nathaniele o boletše bjang, “Wena o Kriste, Morwa wa Modimo yo a phelago”? Gobane O rile, “Ke go bone ge o be o le ka tlase ga mohlare.” Le a bona? Ke ka mokgwa wo ba e tsebago. Leo e be e le leswao la Mesia. Yeo ke therešo. E nong go botšiša e ka ba mang. Lebelelang go kgabola Beibele. Seo ke se e lego sona, leswao la Mesia. Bjale O . . .

<sup>266</sup> Ke bile go kgabola naga ye makga a mantši. Gomme ga—ga se nna Mesia. Ke nna, ke—ke nna—ke nna ngwanabolena.

<sup>267</sup> Eupsa se ke lekago go se bolela, gore, Mesia, Kriste, Moya wo Mokgethwa wa go swana wo o bego o le ka go Kriste, seo ke se se Mo dirilego Mesia. *Kriste* go ra “Yena motlotšwa.” O be a le mmele wa nama wo wa go ingwa ka popelong ya mosadi.

<sup>268</sup> Gomme ba bangwe ba lena batho ba go loka ba Katoliki le leka go mo dira modimogadi. A le lemogile o be a sa fete sealamedi se Modimo a bego a se šomiša? [Lefelo la go se be le selo godimo ga theipi—Mor.] Ka kgontha aowa. Ga se kgošigadi ya Legodimo. O be a le mosadi yoo Modimo a sa tšogo mo kgetha, mosadi yola, gobane o be a hlwekile gomme kgarebe, gomme a mo khupetša ka moriti ka Moya wo Mokgethwa gomme a hlola mmele ka go yena, ka tlholo ya Gagwe mong. O be a se ne peu ya bona go yona, le gatee, le gatee. Aowa, ka nnete. E be e le . . .

<sup>269</sup> O be a se Mojuda le ge e le Montle. O be a le Modimo. O hlotšwe ka popelong. Gomme wola wa go hlweka, mmele wo mokgethwa, ntle le peu ya bona e ka ba efe go tšwa go motho le gannyane, e be e le sebjana se sekgethwa sa go hlwekišwa seo Jehofa a dutšego ka go sona. Kagona, Jesu o rile, “Ga se Nna yoo a dirago mediro. Ke Tate wa Ka yoo a dulago ka go Nna. O dira mediro.” Yeo ke mnete. O kgonne go bolela le go bolela mantšu, le se e bilego. “Ga se Nna. Ke Tate wa Ka yo a dulago ka go Nna.” Le a bona? Gomme, Tate wa Gagwe, ke ka baka leo A rapetšego go Tate. O rile . . .

<sup>270</sup> Yo mongwe o mpotšišitše, o rile, “Gabotse, gona, A ka kgona bjang go rapela Tate ge eba Tate o be a le ka go Yena?”

<sup>271</sup> Ke rile, “O rapela bjang go Tate ge Tate a le ka go wena?” Le a bona? Ke lena bao. O rapela Moya wo Mokgethwa. Kafao, ka kgontha o a dira. Le a bona? “Modimo o be a le ka go Kriste a boelanya lefase go Yenamong.” Jehofa Modimo yo mogolo o dutše ka go Kriste. Rena, O ka go rena ka kelo. Yena ntle le kelo, bjale. Eupsa, kelo ye yeo e lego ka go Yena, Kereke ka moka mmogo ka go Mmele. Le a bona?

<sup>272</sup> Bjale re hwetša, Modimo wa go swana a bego a le ka go Testamente ya Kgale o be a le ka go Testamente ye Mpsha. Pele go theoga go ya go Khansele ya Nicaea, O be a sa le ka kerekeng. Gomme mo re a Mo hwetša, ka matšatšing a mafelelo, Modimo wa go swana, Moya wo Mokgethwa wa go swana, leswao la go

swana, matete a go swana, mehlolo ya go swana, tlhagišo ya go swana, selo sa go swana.

<sup>273</sup> Theetšang. Le a tseba ke dira mošomo wa boromiwa. Ka kgonagalo ke bile go dikologa lefase e ka ba makga a šupago. Hlokamelang. Godimo ka dinageng moo batho ebile ba sa tsebego seatla se setona le se setshadi ke sefe, ga se ba kgone go bolela lentšu le tee la mohuta e ka ba ofe wa Seisimane. Ba bangwe ba bona, ebile ga ba ne semmotwana. Ga—ga ba ne mafoko goba selo. Ba no dira mohuta tsoko wa lešata la go rema boka dinonyana. Ba bangwe ba bona ba dira lešata la go rema go swana le diphoofolo tše ba di kwago ka sethokgweng; go kekeretša, go bobola, go dira mehuta yohle ya lešata. Ga se ba tsoge ba kwa selo se sebjalo bjalo ka Jesu Kriste goba e ka ba eng gape. Eupša, ngwanešu, a nke Moya wo Mokgethwa o wele godimo ga bona, ba dira selo sa go swana le se dirago thwi fa. Yeo ke nnete. Nnete. Ba dira selo sa go swana le se dirago thwi fa ka Tempe, yeo ke nnete tlwa, ntle le go ba botša e ka ba eng ka yona. Aowa, mohlomphegi. Selo se nnoši, Moya wo Mokgethwa o a se dira. Ba dira selo sa go swana le se dirago. Ke Moya wo Mokgethwa, ngwanešu.

<sup>274</sup> Yena ke Modimo ka Jeremane. Yena ke Modimo ka Switzerland. Yena ke Modimo ka Arizona. Yena ke Modimo mogohle. Yena ke Modimo godimo ga ntlo. Yena ke Modimo ka go sedibelwana. Yena ke Modimo ka kerekeng. Yena ke Modimo ka go wena. Amene. Ee, mohlomphegi. Ke a Mo dumela. Lentšu le lengwe le le lengwe A le boletšego ke O RIALO MORENA. Ke dumela Beibele ye go ba Therešo. Amene. A le e dumela ka tsela yeo? [Phuthego e re, "Amene."—Mor.]

<sup>275</sup> A go be go le batho ba ba babjago ka fa go rapelelwa? Phagamišetšang diatla tša lena godimo. Bošegong bja go feta re bile le mothalo wo monnyane wa thapelo o kitima. Go lokile. Bjale, ga se ke tle kerekeng nako ye... Ga se ka tla, le a tseba, go fa ntle dikarata tša thapelo, le—le go tliša batho godimo, gomme mohlomongwe go hwetša tshela goba šupa, lesome, goba se sengwe gape boka seo, gomme ke fokola kudu ba nyakile ba nthwaletše ntle. Ke nno tla, ke rapela, go Bea diatla go balwetši, le dilo boka tše, go ya pele.

<sup>276</sup> Nnete, e ka kgona go dirwa ka tsela ye nngwe. Seo se no ba godimo go batho, le a bona, goba godimo go Modimo, a ke re, e ka ba eng Modimo a nyakago go e dira. Eupša Yena ke Modimo, ga ke kgathale moo e lego, feela dilo tše bonolo.

<sup>277</sup> Ngwanešu Welch, ge nogá yela e go lomile, go be go se pono ka seo. A go be go le fao? Ke nno bea diatla godimo ga gagwe. Yeo e bile phetho. Gobane, Yena ke Modimo.

<sup>278</sup> Bošego bjo bongwe, goba ye nngwe ya difihlolo felotsoko, ke nyaka go le botša, se sengwe se diregile feela dibeke di se kae tša go feta, ge e sa le ke lahlegelwa ke mme wa ka. Gomme go

rapela, go yeng ka dithokgweng, le go apara feela diaparo tša ka tlase tša go khupetšwa, go tsena ka leweng nakong ya marega, boso bja lefeela ntle kua, le ntle kua lebaka la matšatši morago ga letšatši, le bošego morago ga bošego, ke phela pele ga Modimo, go fihla A tlide fase le go bolela le nna, ee, mohlomphegi, gomme nnete gore ke be ke le phosithifi. E swanetše go ba. Ke swanetše go ba le kgontha ka se ke bolelago ka sona, gobane ke na le disoulo tše di dumelago ka go nna. Gomme ke na le disoulo tše di dumelago gore ke di botša Therešo, gore Modimo nthomilego, gomme Modimo o tlamegile go ema ka morago ga Lentšu la Gagwe le go thekga leo. Gomme O tla e dira. Ee, mohlomphegi. Ge A go romo, O tla hlatsela gore O go romile. Feel a tlwa. Amene. Ke dumela seo. A ga le? [Phuthego e re, "Amene."—Mor.] Amene.

<sup>279</sup> Ke—ke a tseba O fa thwi bjale. Amene. Gomme feela se sengwe se no tšhologa gohlegohle go nna gonabjale. Ke—ke a tseba gore re dutše bošegong bjo ka mafelong a Magodimong ka go Kriste Jesu. A le a e dumela? [Phuthego e re, "Amene."—Mor.] Amene.

<sup>280</sup> Ke ya go fetola monagano wa ka. Ga ke fetole monagano wa ka, eupša Modimo o mphetoletše wona. Amene.

<sup>281</sup> Ga ke bone motho yo ke mo tsebago ka mo, ntle le ge go ka direga go ba mohumagadi yo a dutše go thwi mo. Mohumagadi yo fale, ke a dumela o rapeletšwe bošegong bja go feta. Bohle bao ba babjago, phagamiša seatla sa gago. Bohle ba sa ntsebego, le go tseba ga ke tsebe e ka ba eng ka wena, ke ra, phagamišetša seatla sa gago godimo. Go lokile, feela mogohle, ke a thanka. Yeo ke nnete. Ge Modimo, Modimo yola wa go swana . . . Amene.

<sup>282</sup> Tlhohlo še. Lebelelang fale, batho o sa ba tsebego, ga se nke wa ke wa ba bona. Ge o babja, Modimo o a tseba o a babja. Ge pelo ya gago e robegile, O a tseba pelo ya gago e robegile. Ge o dirile sebe, O a tseba o dirile sebe. Bolela ka mohlolo!

<sup>283</sup> Bjale, go tla tše maatla a Ramaatlakamoka Modimo go tla tlase le go netefatša gore Yena ke Modimo wa go swana yoo ka mehla a bilego, gomme o sa le Modimo. Ge A ka dira seo bonnyane makga a mararo ka moagong wo gonabjale, gabedi goba makga a mararo, bjalo ka—bjalo ka tiišetšo. Ga ke—ga ke tsebe ge eba O tla dira goba aowa. Eupša ke no . . .

<sup>284</sup> Ke bona sešupanako sela se eba masometharo a senyane. Ke a tseba, mothalo wa thapelo le batho ba bantši bale, o tla re kitimešetša godimo mo go e ka ba ka masometharo a lesometee. Gomme ke a tseba Ngwanešu Norman o otleta tsela yohle tlase mošola, dimaele tše lekgolo le metšo go ya Tucson; ba go fapano. Gomme gosasa bošego, ke na le ditirelo tše lesome goba tše lesomepedi gabjale, mohlomongwe lesomethano efela go rera. Ke no . . .

<sup>285</sup> Ke dumela seo thwi bjale, ge le ka e dumela le nna, gore re ka mafelong a Magodimong. [Phuthego e re, "Amene."—Mor.] Ke . . .

A nke ke kgopele, le go netefatša go lena, gore Modimo o sa le Modimo feela bontši thwi fa ka moagong wo bošegong bjo, bjalo ka ge A bile ge yena, Abraham, a boletše le Yena tlase kua ka mmeleng wola wa nama.

Elelwang, nama yela, ga ke tsebe e be e le eng.

<sup>286</sup> Ba rile, “Theophany.” Badiredi ba leka gore e be e le theophany. Eupša theophany e ja bjang go segoba sa namane? Aowa, mohlomphegi. Theophany ga e je.

<sup>287</sup> O be a le Motho ka mmeleng wa nama, eupša efela e be e le Modimo. E be e le leswao la eng? O rile, “Bjalo ka ge go bile ka matšatšing a Loto le Noage, go tla ba bjalo ka go tleng ga Morwa wa motho,” gore Modimo o tla tla fase ka go nama ya motho le go itira Yenamong go tsebjia, feela boka A dirile morago fale. Seo e bile, elelwang, leo e bile leswao la mafelelo le filwego pele mollo o ewa le go senya Sodoma le Gomora.

<sup>288</sup> Gomme lefase le lehono, le setšhaba se, le batho ba, ba bile boka Sodoma ya sebjalebajale. Yeo ke therešo. Gomme O boletše eng? “Bjalo ka ge go bile matšatšing a Noage, go tla ba bjalo; go ja, go nwa, go nyadiša.”

<sup>289</sup> “Bjalo ka ge go bile ka matšatšing a Loto.” Go diregile eng ge Loto, ka matsatšing a Loto? Go diregile eng? Lebelelang. Morongwa o tlie fase, goba Barongwa ka sebopego sa motho. Gomme Monna yo, le ya Gagwe . . . A sa tsebe Abraham, o mmoditše ka maemo a gagwe, le ka Sarah, le se se bego se eya go direga, le tšohle ka yona. Gomme fao ba hweditše, nako yeo, gore Abraham o be a kgodišegile gore yoo e be e le Modimo, gomme a thoma go phophotha bakeng sa ngwanabo. A ke nnete? [Phuthego e re, “Amene.”—Mor.] Modimo o e tshepišitše.

<sup>290</sup> Ga go kgathale, ga wa swanela go ba khatheterale ye kgolo. Ga wa swanela go ba di-di dikete ka lesolong kua. “Kae kapa kae mo ba babedi goba ba bararo ba kgobokanego, Ke magareng ga bona,” ge Modimo a ka e netefatša bošegong bjo, go kgona go hlatha dikgopololo tša gago.

<sup>291</sup> Gomme be—be—be Beibele e rile, ka go Bahebere tema ya 4. Theetsang sekgauswi. “Lentšu la Modimo ke le bogajana go feta tšoša e ka ba efe ya magalemabedi, le phuleletša e bile go aroganya moko wa lerapo.” A yeo ke nnete? “Gomme ebile le Mohlathi wa dikgopololo tša monagano.” A ke nnete? [Phuthego e re, “Amene.”—Mor.]

<sup>292</sup> Lentšu la Modimo ke eng? “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.” Ka go phela ga Gagwe ga toko le mmele wa Gagwe wa go hlwekišwa, Madi a Gagwe a go hlweka a go se otswafatšwe, O e file mahala bakeng sa rena badiradibe ba go se hlweke. Gomme ka ao, Modimo o tšere sehlabelo sa Gagwe gomme a hlwekiša Kereke, gore A ke a romele morago Moya wo Mokgethwa wa

Gagwe go tšwetšapele mediro yeo Jesu a e dirilego. “Mediro ye Ke e dirago le tla e dira le lena.” A le dumela seo? [Phuthego e re, “Amene.”—Mor.]

<sup>293</sup> A le a dumela gore Jesu Kriste ke Morwa motswalwa ke kgarebe wa Modimo? [Phuthego e re, “Amene.”—Mor.] A le dumela gore Madi a Gagwe—a Gagwe a makgethwa e be e se ka motho? [“Amene.”] Gore re a tseba gore sele ya madi e tšwa go bong bja monna, gomme ka tsela ye e be e le Modimo a nnoši Yo a hlotšego Madi gomme o tšweleditše Morwa Kriste Jesu. Gomme O be a le Morwa wa Jehofa Modimo. [“Amene.”] Modimo o dutše ka go Yena. Gomme ka gona ge A file Bophelo bja Gagwe, tokollo godimo ga mohlare, gomme O hlatswitše modiradibe yo a tla dumelago go Yena, gomme a Mo tšere, le seloba sa dibe tša rena se dirilwe, gomme o re hlatswitše ka meetse a Lentšu gomme o re hlwekišitše, gomme bjale re a hlwekišwa. E sego go loka ga rena, eupša kgaogelo ya Gagwe, gore Moya wo Mokgethwa o ke o tšwetšapele mošomo go Kereke, go theoga go kgabola lebaka, go kwalakwatša “Jesu Kriste wa go swana maabane, lehono, le go ya go ile.” Amene.

<sup>294</sup> Seo se ile ka godimo ga dilo tše tharo nako yeo, “maabane, lehono, le go ya go ile,” methaladi ye meraro ya kereke. Amene. A nke Modimo a bitše go meraladi ye meraro yohle gona. A le tla e dumela? [Phuthego e re, “Amene.”—Mor.]

A re rapeleng.

<sup>295</sup> Tate wa Legodimong, ke feela Wena o nnoši o ka kgonago go dira se, eupša gore batho ba ba ke ba tsebe, Morena, gore iri e batametše. Re ka no se phele go fihla mosong. Ga re tsebe ka seo. Eupša re swanetše gó kopana le Wena. Re na le nnete ka seo. “Gobane motho o swanetše go hwa pele, gomme morago ga se kahlolo.” Re swanetše go kopana le Modimo felotsoko.

<sup>296</sup> Gomme, Tate Modimo, ke rutile bošegong bjo gore O sa le Modimo wa go swana. Gomme batho, Morena, ke a tshepa gore O tla itira Wenamong kgonthe kudu, ka tsela ye, Tate.

<sup>297</sup> Bona, ba kwele ther. Re na le ba bangwe ba badiredi ba bakaonekaone, ke a dumela, Tate, ba ba lego lefaseng, ba phela mmogo ka nageng ye, le ba bakgethwa ba kgonthe, banna ba ba gafetšwego go tirelo ya Modimo, ka go dikerekere tše kaone tše go kgabola tše, naga ye fa. Ke dumela seo. Ke baena ba ka. Gomme ke a tla, Morena, magareng ga bona, ebile bjalo ka mosetsebjie letšatši le lengwe, gomme ba nkamogetše. Gomme ba ntšeetše ka gare, gomme ba—ba a nthata.

<sup>298</sup> Gomme—gomme, go le bjalo, makga a mantši mo ke swanetšego go kgadimola le go bolela dilo. Go ba bona dinako tše dingwe ba eya mmogo le mokgatlo tsoko, dikerekemaina di ba tloša tseleng ya go itiwa, morago ke a ba omanya. Gomme go le bjalo ba no ba bose, le go nthata, gona ke a tseba gore ke bahlanka ba Gago, Tate. Gomme ba a tseba gore ga ke dire

seo go ba wa go selekiša; Morena, O ka se tsoge wa šomana le motho boka yoo. Bjale, Tate, go tseba gore e, tsela morago, ke ka bokgethwa, le ka tlhwekišo ya Moya, le boikgafo bja maphelo. A nke batho . . .

<sup>299</sup> Go ka no ba basetsebje fa bošegong bjo. Go ka no ba Mapresbyterian, Methodist, Katoliki, se—se—se sehlopha le rena bošegong bjo. Go ka no ba bao ba sa dumelego. Gomme ka gona, Tate, go no rera Lentšu, ba na le tokelo ya go tloga, mohlolongwe, le go re, “Modiša wa ka o e ruta phapano. Moprista wa ka o bolela go fapana.”

<sup>300</sup> Eupša, Morena, ge ba tseba gore Beibebe . . . Dikerekemaina tšohle di a tseba gore Baheberu 13:8 e rile, “O a swana maabane, lehono, le go ya go ile.” Bjale, Wena, Morena, gore . . .

<sup>301</sup> Mosadi yo monnyane o kgwathile seaparo sa Gago letšatši le lengwe, a gatelela go kgabola lešaba, gomme O retologile go dikologa, o rile, “Ke mang a Nkgwathilego?” Gomme yo mongwe le yo mongwe o e latotše. Eupša maatla a magolo ale a Modimo ao a bego a le ka go Wena, botlalo bja Modimo, O lebeletše go dikologa go batheeletši go fihla O hweditše mosadi yo monnyane yoo a bilego le taba ya madi. Gomme ge O mmuditše ka ga yona, taba ya gagwe ya madi ya emiša. E eme.

<sup>302</sup> O Modimo wa go swana. Ke a rapela, Modimo, bošegong bjo, gore O tla hlwekiša badumedi ba ka fa bao ba babjago. Bonnyane o tee, goba o tee go tšwa mothalong wo mongwe le wo mongwe, goba bontši, Morena, go kgabaganya, morago, ka morago, ba eme ka ntle, e ka ba kae go ka bago, gore yo mongwe o tla bona, ka godimo ga moriti wa pelaelo, gore, “Ye ke Therešo. Moya wo Mokgethwa o a rereša. Gomme Beibebe e a rereša. Gomme Jesu Kriste o a swana maabane, lehono, le go ya go ile.” Ke kgopela tšhegofatšo ye Leineng la Jesu Kriste, le bakeng sa letago la Gagwe. Amene.

<sup>303</sup> Bjale, go batheeletši ba bannyane ba ba letilego, Ke nyaka le rapele feela nakwana, ka dipelong tša lena, gomme ke nyaka le lebelele ka tsela ye. Ke nyaka le dumele ka pelo ya lena yohle gore Modimo o ka moagong. Bjale, O ka Moyeng. Bohle re tseba seo. “Modimo ke . . .” [Phuthego e re, “Moya.”—Mor.] “Gomme ba ba Mo rapelago ba swanetše go Mo rapela ka Moya le ka Therešo.” Bjale, Therešo ke eng? Kriste, Lentšu. Lentšu ke Therešo. Moya ke Moya wo Mokgethwa. Lentšu ke Therešo. Gomme Moya wo Mokgethwa o swara Lentšu la tshepišo le go le tliša go phethega. Le a bona? “Ge le dula ka go Nna, Mantšu a Ka ka go lena, tshepišo e ka ba efe ka Fale ke ya lena gona. Le a bona? Ge le dula ka go Nna, gomme Lentšu la Ka ka go lena,” gona ga se lena. Ke Lentšu la tshepišo leo le e dirago. Le a e bona? Ke a holofela le a dira, bana. Šegofatša pelo ya gago.

<sup>304</sup> Le lengwe la matšatši a re ya go ba le theroy a renaya mafelelo tlase mo. A le tseba seo? [Phuthego e re, "Amene."—Mor.] Ka gona re ya go šuthela godimo.

<sup>305</sup> Gomme o no re, "Tate Modimo, Ngwanešu Branham ga a tsebe selo ka nna." Mohlomongwe ebile ga o ntsebe. E ka ba mang, ga go kgathale moo o lego, feela felotsoko ka moagong. Le a bona? E no re, "Tate, Modimo, ga a tsebe selo ka nna, eupša a nke a bolele le nna le go mpotša se bothata bja ka e lego, goba se sengwe boka seo, gomme ke tla—ke tla Go dumela. Ke tla Go dumela, ka baka la gore Lentšu, gona ke a tseba, ke nama; le yena le nna, mmogo, ka kgomano le Modimo, Moya wo Mokgethwa o fa. A nke a dire."

<sup>306</sup> Mohumagadi yola ka diatla tša gagwe di robetše difarong tša gagwe, ka mokgwawola, o lebeletše godimo gomme o rile, "Ee," feela nako yeo, ge a dumetše ka hlogo ya gagwe. O e dumetše. O boletše feela selo sa maleba.

<sup>307</sup> Fao go be go le mosadi nako ye nngwe, mosadi wa Sirofenike. O be a le Montle. O tlide go Morena Jesu, gomme o rile, "Morena, Wena Morwa wa Dafida, eba le kgaogelo go morwedi wa ka." Bjale, O be a se Morwa wa Dafida go yena. O be a le Montle, le a bona, kafao O ile pele boka ga se nke A mo lemoga. Gomme o goeleditše ka morago ga Gagwe.

<sup>308</sup> Gomme mafelelong O retologile go dikologa, o rile, "Ga go botse go Nna go tšeaborotho bja bana le go bo fa dimpša."

<sup>309</sup> Oo, a seo se ka be se dirile ba bangwe ba renaba ba bitšwago Bakriste kgonthe go ya godimo ka yona, go re bitša mpša! Ga se a ke. O tsebile seo e be e le therešo.

<sup>310</sup> O rile, "Yeo ke therešo, Morena. Eupša bana... Eupša dimpša di ja marathana ka tlase ga tafola ya mong wa tšona."

O rile, "Bakeng sa polelo ye, gobane o e boletše."

<sup>311</sup> Kgatelelo ya godimo ya madi o nago le yona le bothata bja pelo, ge o ka e dumela ka pelo ya gago yohle, e tla go tlogela. A o tla e amogela? Le a bona? Bjoo e be e le bothata bja gago, a e be e se bjona? Ke therešo. E no e dumela!... ?... O a dumela. Ga se kake ka bona mosadi ka bophelong bja ka. Ke mosetsebje.

<sup>312</sup> Fa, a re boneng yo mongwe. Thwi godimo go tloga go yena, mosadi yo monnyane ka roko ya go bogega botala. Ge Modimo a sa thuše mosadi yola, o ya go swanelwa ke go dirwa karo bakeng sa sešo. Yeo ke nneta, phagamišetša seatla sa gago godimo, mohumagadi. Ga se ka ke ka mmona ka bophelong bja ka, eupša o na le sešo. Bofokodi le manyami a pelo ya gagwe! Ge o ka dumela gore Jesu Kriste, Morwa wa Modimo, o tla dira karo yeo gomme a se tloša go wena, ntle le karo ya seatla sa motho wa tlhago, o ka kgona go ba le se o se kgopelago.

<sup>313</sup> A o kgodišegile? A o a dumela? Yo mongwe gape ka moagong, rapela, dumela ka pelo ya gago yohle.

<sup>314</sup> Mohumagadi yo monnyane šo o dutše thwi mo, o a rapela. O apere paki ye khubedu ya go lebega mašakana. O a babja le go fokola. O sa tšwa go nyumonia. Yeo ke nnete. O a dumela gore Jesu Kriste o tla go fodiša, mohumagadi? Ge o dira, phagamiša seatla sa gago godimodimo, gomme o re, “Ke a e amogela.”

<sup>315</sup> O dutše thwi kgauswi le yena, monna fale ka bothata bja mokokotlo, o a dumela gore O tla go dira o fole, mohlomphegi? Gona phagamišetša seatla sa gago godimo, o re, “Ke a e amogela.”

O a dumela? A o kgodišegile? Gona amega.

<sup>316</sup> Moragorago go leba morago, yo monnyane, mosadi wa hlogo ye pududu a dutšego morago fale ka sekhafo se sennyane go dikologa molala wa gagwe, o na le atheraithisi ka diatleng tša gagwe. O be a rapela nako ye telele bakeng sa yeo go fodišwa. A o a dumela gore Modimo o tla go fodiša, mohumagadi? O dutšego thwi *fao*, thwi go otloga tlase *mo*. O a e dumela, gore Modimo o tla fodiša atheraithisi? O ka kgona go ba le se o se kgopetšego, ge o ka e dumela.

<sup>317</sup> Monna kgauswi le wena fale, ka bothata bja proseteite, ge o ka e dumela ka pelo ya gago yohle, o ka fodišwa. O a e dumela, mohlomphegi? O be o leka go mo dira gore a e dumele, gomme o be o ka se kgone go mo dira gore a e bone. Eupša Modimo o go fodišitše ka bothata bja proseteite ge A mo feta. Bjale o amogetše phodišo ya gago. Modimo a go šegofatše. Go fedile. Go ile.

<sup>318</sup> Ke lena bao. Uh-huh. A le a dumela? [Phuthego e re, “Amene.”—Mor.] A le kgodišegile? [“Amene.”] Gona a re amegeng. A ka moka ga lena le a amega? [“Amene.”] Ke ba bakae ba amegago ka fa? [“Amene.”]

<sup>319</sup> A go na le modiradibe yo a lego gona? A o amega ka boyo bja gago? Pele re rapelela balwetši. A o amega ka boyo bja gago? Ge o amega ka bofihlo bja gago, gobaneng o sa sepele godimo fa le go amogela Kriste, ge o le thwi ka Bogoneng bja Gagwe mo sefaleng. Etla godimo mo. E no tla godimo. Batho e ka ba bomang ba ba—ba amegago le go tseba gore ga ba loka le Modimo, Ke a le kgopela bošegong bjo go tla thwi godimo fa aletareng, le go ema fa bakeng sa thapelo. Ka gare goba ka ntle, ga go kgathale mo o lego, sepelela godimo mo. Modimo a go šegofatše, mohumagadi. Yeo ke tsela ya go e dira. A go na le yo mongwe gape a amegago ka moo o yago? Ge o se na le nnete gore o a rereša, gomme o a amega, etla.

<sup>320</sup> A le kgodišegile gore ke Kriste? A le kgodišegile gore—gore nna, monna, nka se kgone go dira diilo tše? A le kgodišegile gore Modimo o tshepišitše go e dira ka matšatšing a mafelelo? Leo ke Lentšu la Modimo. O kgod- . . . A le kgodišegile ka lona?

<sup>321</sup> Ke bone se sengwe gape se direga feela nako yeo. Tumišo e be go Modimo! Ba tla e hwetša. Uh-huh. Go lokile. Bjale, tumišang Modimo! Seo se a makatša. Amene. Ge le . . . Oo!

<sup>322</sup> A le kgodišegile, a le yena? A ka kgonthe le dumela ka pelo ya lena yohle? [Phuthego e re, "Amene."—Mor.] Yo mongwe fa yoo a se nago kgonthe ge eba o lokile le Modimo, goba aowa, a o ka se tle go ema mo bakeng sa lentšu la thapelo nakwana feela? Etlang thwi godimo. Bjale ge o le . . . Goba, ga se wa kgodišega gore o na le nnete ye phositifi?

<sup>323</sup> Ba bangwe ba lena basadi le sa tteleimago Moya wo Mokgethwa, le go apara moriri wo mokopana, le ra go mpotša, ka theroyohle ye, ga se la be la kgodišega ge Beibele e boletše se e se dirilego ka mosadi ka moriri wo mokopana? Huh? Gomme o apara le go itshware . . . Ba bangwe ba lena banna le sa kgogago le go ya pele? Ba bangwe ba lena basadi le aparago diaparo tše, gomme Modimo o rile ke makgapa go Yena?

<sup>324</sup> O re, "Nama ga e dire phapano ye e itšego." Gona gobaneng Modimo a tsošitše nama ya Ķriste? Gobaneng re swanetše go phela bokgethwa, ge e sa re selo? Yona, nnete, e tla tla gape, tsogo. Nnete.

<sup>325</sup> O dumela se go ba Moya wa Modimo, gona O a go ahlola. Yeo ke nnete. Gomme o ya go ahlolwa bjang? "Molato go tše nnyane ke molato go ka moka." O tseba go dira bokaonana.

<sup>326</sup> Yo mongwe o boletše, bjalo ka ge ke dirile tshwayo bošegong bja go feta. Yo mongwe o rile go nna, "Ngwanešu Branham, gobaneng o sa tlogele bona basadi? Tlogela bona banna. Tlogela go dira seo." O rile, "Wena o . . . Batho ba nagana o moprofeta."

Ke rile, "Ga ke moprofeta."

<sup>327</sup> O rile, "Batho ba go tteleima go ba, go le bjalo. Gobaneng o sa ba rute ka fao ba ka amogelago dimpho tša semoya?"

<sup>328</sup> Ke rile, "Nka kgona bjang go ba ruta dipalontshetshere mola ebile ba sa tsebe diABC tša bona? Ga ba na le boitshwaro bja tlwaelo go lekanelo go itlhwekiša bonabeng le go dira bjalo ka Bakriste. O ya go ba botša bjang dilo tša semoya ka dilo tša Legodimong?" Yeo ke nnete.

<sup>329</sup> A nke kereke ya Pentecostal e ikobolle yonamong, e loke le Modimo, gomme ke tla netefatša go lena gore Moya wo Mokgethwa o tla tla thwi ka gare. Gobaneng, ye, kereke, e tla tlala kudu ka maatla a Moya wo Mokgethwa, go ka se be le moleloko yo motee a dirago sebe se tee. Moya wo Mokgethwa o tla e bitša ntle thwi, boka Anania le Safira. Nnete. Eupsa o ka se kgone go e dira, ge ebile o sa tše katišo ya gago ya digotlane. Ka kgonthe aowa.

<sup>330</sup> Etlang godimo, aletareng, boka basadi ba ba dirile. O re, o ra gore go ne basadi ba babedi feela ka go seholpha se? Elelwang, e difarong tša gago, gomme e ka diatleng tša gago, gomme o ka se tsoge wa e hlatswa go tloga.

<sup>331</sup> A re inamišeng dihlogo tša rena. Etlang pele bjale, ge re dumela bjale go Yena, ge re rapela.

<sup>332</sup> O eme bakeng sa phološo, le wena, morwa? Šegofatša pelo ya gago, morwa. Ema thwi fao.

<sup>333</sup> Bjale, ge re inamiša hlogo ya rena, ba tliša mohumagadi tsoko yo mongwe yoo mohlomongwe a sa kgonego go sepela, goba se sengwe, go tleng godimo go amogela phološo bakeng sa yenamong. Bjale re ya go dira . . . Seo se lokile, nno mo lesa a eme thwi fale. Seo se lokile, kgadi. Ga wa swanelia go sepela, go e dira. O tla tla thwi setulong moo o lego. A re . . . O no nyaka go dira . . .

<sup>334</sup> Bjale, ge mosadi, yo a sa kgonego go sepela, gomme ba nyokanyoka go dikologa, o kgodišegile gore selo ke therešo, le go lokela go tla le go sokologa bakeng sa se a se dirilego seo se fošagetšego, go reng ka lena basadi, bao, le banna le bona, ba le kgonago go ema ka maoto a lena gomme le sepele gabotse? E tla tsoga ka Letšatši la Kahlolo.

<sup>335</sup> Feel a gobane re apara leina Pentecost, seo ga se re e ka ba eng. O swanetše go tswalwa gape. Ge o tswetšwe gape, o sepela ka Seetšeng sa Beibele. O dira se Beibele e se boletšego. Amene.

A re rape leng bjale.

<sup>336</sup> Tate wa Legodimong, Bogona bja Gago bo fa, gomme, oo, bo re dira re bolele ka sebete bjang ge Bogona bja Gago bo le fa, gobane re a tseba gore ga se rena ba bolelago nako yeo. Ke Moya wo Mokgethwa. Gomme, O Tate, ka fao e gobatšago dinako tše dingwe go kwa segalontšu sa gago—sa gago mong se bolela dilo tše o ka se tsogego wa di bolela, le gannyane. Eupša gona, e ka ba mang a ka e belaela bjang go beng Moya wo Mokgethwa, ka morago ga ge ba Mmone a dira mediro ye A e dirilego ge A be a le mo ka mmeleng wa Morena Jesu, le go re tlogelela tshepišo gore O tla dira mediro ya go swana ka rena, bahlanka ba Gagwe?

<sup>337</sup> Gomme bjale, Tate, re a Mo leboga gobane O tla go kgala lefase ka sebe. Sebe ke gosedumele. Bao ba bolelago gore e ka se kgone go dirwa, efela e netefatša gore e dirilwe. Gomme go rekoto ya saense lehono, re a tseba gore O inetefaditše Wenamong go ba le rena, ka dinetefatšo tše ntši tša go se ganetšege.

<sup>338</sup> Fa go eme batho ba ba eme go dikologa aletara bošegong bjo, ka morago ga go dira pitšo ye le go rera Molaetša wo, wa go kgodišega gomme morago wa amega. Ba lemoga gore bophelo bja bona bo be bo sa iše, gomme ga—ga se ba kgona go dira dilo tše ba—ba bego ba nyaka go di dira. Gomme ba a lemoga gore ga go phošo ye e beilwego ka go Wena, eupša ba lemoga phošo e beilwe ka go bonabeng. Kafao ba thile bošegong bjo, Morena, go ipolela ba phošo.

<sup>339</sup> Ba bangwe ba basadi ba bannyane ba ka moriri wa bona o kotilwe, ba eme godimo fa, boka ba dirile bošegong bja go feta, ba tseba gore yeo ke therešo. Beibele e boletše bjalo. Ke selo sa go se hlomphege. “A ga se selo sa go nyatšega go mosadi go rapela ka moriri wa gagwe bjalo ka seapešo sa gagwe, ka seapešo sa

gagwe se ripilwe? O nyatša hlogo ya gagwe.” Ka fao yeo e lego thuto ya Bokriste! Gomme morutiši yo mogolo yoo a re rutilego seo, Paulo, o boletše ka go Bagalatia 1:8, “Ge Morongwa go tšwa Legodimong a etla, a rera selo se sengwe gape e sego seo ke šetšego ke se rutile, a be morogwa.” Re a tseba gore ke Therešo.

<sup>340</sup> Gomme, Tate, badiredi ba bohlokwa ba ba biletša seo ntle, iri ka morago ga iri, iri ka morago ga iri, phuthego e sa thekesela go ya pele. Ka fao dipelo tša bona di hlologelago go bona kereke ya bona e tladitšwe ka Moya wo Mokgethwa, le boka banna le basadi ba bomodimo ba dutše fale. Gomme Moya wo maatla kudu, ka lefelong, go fihla sebe se sengwe le se sengwe ka kerekeng se biletšwa ntle, matete a magolo le maswao a direga boka e dirile matšatšing a pele.

<sup>341</sup> Gomme, Tate, gona re ya go tloga lefelong go ya lefelong, go fa bohlatse bja rena le baena ba rena. Gomme ba bona Moya wo Mokgethwa o sepela go kgabola dikaro tša go fapano, le go tseba gore ke Modimo, gona ba eme ba ahlotšwe. Gomme o rile, Morena, “Dibe tša banna ba bangwe di ba etaapele; ba bangwe di a ba latela.” Ba ipolela tša bona bošegong bjo, Morena, gore se tla ya pele ga bona. Ke a rapela gore O ba thuše, yo mongwe le yo mongwe wa bona, Morena. Gomme bjale go gafeleng dipelo tša bona go Wena, ba Go fa dipelo tša bona, mapheko a bona, bakeng sa tirelo. Ke eng bontši ba ka go se dira, Morena?

<sup>342</sup> Bjale a nke Moya wo Mokgethwa, Wo o tlišitšego kgodišego ka wona, ka Lentšu la Gagwe le ka Bogona bja Gagwe, go tiišetsa Lentšu la Gagwe, go Le dira kgonthe Therešo, a nke A ba fe karolo yela ya tlhwekišo ye e tla ba fago tlhologelo ya pelo ya bona, gore ba Go direle. E fe, Morena.

<sup>343</sup> Soulo e tee ye bohlokwa fale e boletše gore lenaba le be . . . O be a no leka go phološwa le go loka, gomme lenaba le tšwetšepele go mo dira a bolele mantšu a mabe kgahlanong le Modimo, goba dikgopololo tše mpe kgahlanong le Yena. Ke a rapela, Tate, bjale bjalo ka mohlanka wa Gago.

<sup>344</sup> Ke kgalemela diabolo yola. Tloga go mosadi yola. Mo tlogole a nnoši. A nke Modimo wa Legodimo a mo tlatše ka Moya wo Mokgethwa. Gomme, Sathane, o ka se kgone go mo tlema botelele bjo bo itšego. Mo tlemolle. A a ye, Leineng la Jesu Kriste.

<sup>345</sup> Kereke ye, Kereke ye kgethwa ya Modimo, e rapela ka mmero o tee, gore diabolo a ka se tsoge a bowa go yena gape. A nke a ye bjale ka khutšo ya Modimo, ka la Jesu Kriste Leina. Re gafela se go Wena, Tate, bakeng sa letago la Gago. Amene.

<sup>346</sup> Bjale, ntle le moriti o tee wa pelaelo ka dipelong tša lena le menagano, bjale feela godimo ga motheo gore Modimo o dirile tshepišo, gomme le tlie go gafela mapheko a lena, gomme le dumela ka pelo ya lena yohle, ba ba emego aletareng ye bošegong bjo, le botša Modimo gore le manyami ka se le se dirilego, gore le tla phela bophelo bja go fapano go tloga go bjo go ya pele. A le

a dumela Modimo o kwa thapelo ya lena, gomme o tla kgona go e dira? Phagamišetša seatla sa gago godimo go Yena, e re, “Ke a Go amogela, Morena wa ka.” Amene.

<sup>347</sup> Modimo a le šegofatše. Seo se lokile. Bjale le ka ya madulong a lena gomme la tseba go fedile. Ke a e dumela. A le a e dumela, yo mongwe le yo mongwe ka kua? [Bao ba tliego pele ba re, “Amene.”—Mor.]

<sup>348</sup> Bjale, ke ba bakae ba lena ntle fao ba babjago, gomme seo ga se sa hwetša . . . gore Moya wo Mokgethwa ga se wa ke . . . Gobane, ke bone tše nne goba tše tlhano. Ke, šetše, e mohuta wa go tloga go nna bjale, tlhatho yela. Eupša ke go bone, yo mongwe morago ka *fa*, goba, gomme morago morago ka morago, o eme morago fale. Eupša ga ke elelwé se e bileygo. Seetša sela se be se le godimo ga bona. Ke bone se se diregilego. Eupša Moya wo Mokgethwa o fa, bagwera. A le e dumela ka pelo ya lena yohle? [Phuthego e re, “Amene.”—Mor.]

<sup>349</sup> Bjale, ke ba bakae mo ba nago le kolobetšo ya Moya? Phagamišetša seatla sa gago godimo. Go lokile. Beibele e rile, “Maswao a a tla latela bona ba ba dumelago.” A le tla beana diatla seng sa lena? A nke ke le rapelele, go tšwa sefaleng mo.

<sup>350</sup> Kafao, ke iri ya lesome bjale, metsotso ye mehlano go ya go lesome. A tirelo ya go latela e kwalakwaditšwe? O tla . . . [Ngwanešu Branham o bolela le yo mongwe sefaleng—Mor.]

<sup>351</sup> [Kgaetšedi o re, “Ngwanešu Branham?”—Mor.] Ee, hani. [Kgaetšedi o bolela le Ngwanešu Branham.] Nnete.

<sup>352</sup> Ka Leina la Jesu, a nke a sepele gomme a fodišwe go asma ye, gomme a nke e se tsoge ya mo tshwenya gape. Amene.

<sup>353</sup> Šegofatša pelo ya gago. Ke a tseba e ya go go tlogela, gomme o ya go ba wa go loka, wa go tia, wa go phelega monna.

<sup>354</sup> Ramaatlakamoka Modimo, re bana ba Gago, ka tumelo ka go Kriste Jesu. Re maloko a Mmele wa Kriste, ka kolobetšo ya Moya wo Mokgethwa. Re badiiledi mo lefaseng, baeti, re a tseba gore Legodimo ke legae la rena, gomme bjo ga se bodulo bja rena fa, kafao re lebelela go dilo tše di lego Godimo. Bjale, re a dumela gore re ka mafelong a Magodimong ka go Kriste. A nke maatla a Modimo Ramaatlakamoka a dule godimo ga moago wo, le go tla ka pelong ye nngwe le ye nngwe.

<sup>355</sup> Sathane, re go laela ka Jesu Kriste, Modimo yo a phelago, gore o tlogele batho ba. Etšwa go bona, Sathane, gomme o tšwe go bona, gore ba kgone go dirwa ba fole ka Leina la Jesu Kriste.

(Feela yena.)

<sup>356</sup> Ke ba bakae ba e dumelago? Ke ba bakae ba kgodišegilego? [Phuthego e re, “Amene.”—Mor.] Ke ba bakae ba amegago? Phagamiša seatla sa gago, e re, “Ke a amega. Ke kgodišegile gore ye ke Therešo. Gore, bjale ke kgodišegile gore ka megogoma ya Gagwe ke fodile. Bjale ke kgodišegile gore kolobetšo ya Moya

wo Mokgethwa e lokile. Bjale ke kgodišegile gore Jesu Kriste o magareng ga rena.”

<sup>357</sup> Johane o boletše eng? “Go ne yo Motee a emego magareng ga lena, yo Motee a emego magareng ga lena, Yo le sa mo tsebego.”

<sup>358</sup> Ke tla swanela go fetola karolo yeo ya yona bošegong bjo, le go re go ne yo Motee a emego magareng ga lena, Yo le sa mmonego. Yoo ke Moya wo Mokgethwa. Yena ke Yena, amene, seo se dira tshepišo ye nngwe le ye nngwe therešo. A o e dumela ka pelo ya gago yohle, soulou ya gago yohle, monagano wa gago wohle? Phagamang ka maoto a lena gomme le e amogele gona, bjalo ka phodišo ya lena, bjalo ka phološo ya lena, e ka ba eng e ka bago.

<sup>359</sup> Elelwang tirelo ya go latela, gosasa bošego, ke ka kerekeng ya Ngwanešu Outlaw. Ngwanešu Outlaw, tlase ka Phoenix, gosasa bošego.

<sup>360</sup> A re phagamišeng diatla tša rena bjale gomme re opeleleng pina ye go Modimo, ga ke tsebe ge eba nka kgona go e thoma goba aowa, “Ke a Mo rata, ke a Mo rata gobane O nthatile pele.” Bohle mmogo:

Ke a Mo rata, ke a Mo rata  
Gobane O nthatile pele  
Gomme a lefela phološo ya ka  
Godimo ga mohlare wa Khalibari.

<sup>361</sup> Bjale, lena ba le tlago le go latela ditirelo, gosasa bošego ke ka kerekeng ya Ngwanešu Outlaw. E bitšwa The Name Of Jesus Church, tlase ka Phoenix. Ka . . . O na le, ee, ngwanešu, ee. Ngwanešu Groomer mo o tla e bega. Go lokile.

<sup>362</sup> Morena a le šegofatše, go fihla ke le bona gosasa bošego. Modimo a be le lena.



*GO KGODIŠEGA MORAGO WA AMEGA* NST62-0118  
(Convinced Then Concerned)

Molaetša wo ka Ngwanešu William Marrion Branham, setlogong o abilwe ka Seisimane ka Labone mantšiboa, Janaware 18, 1962, ka Full Gospel Church ka Tempe, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlatlatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)